





柳塘詩集卷七

詩六十首

聞滇黔蕩平志喜五首

分封成鼎足尾大失屏藩徐偃朱弓瑞尉佗黃屋尊三方  
同旅拒八載獨遊魂後至防風戮專車骨尚存

偶爾死期未數年何太橫稱尊終下策犯順竟無名梟獍  
忘恩易豬龍反相成從無高鳥慮不比戮韓彭

數年纏殺氣今日泛光風調發鬚為白旌旗眼厭紅名看  
成豎子貪莫竊天功獨有三衢過人推當道熊

老農酌酒賀征權罷誅求初克鬼方日剛行王母籌  
詔從三殿下澤沛九州流我亦蒼生一煦濡同見休



欲得洗兵雨天河挽亦宜氣銷為日月光已被華彝柳子  
平淮雅元和聖德詩曝芹思欲獻保泰有箴規

有典顧兄招飲至醉賦呈

感子招要意群賢衝雨過興豪三雅少觴促二參多終覺  
席糾酷未嫌拇陣苛幸毋多酌我泥滑舞傴僂

送汪右衡北上六首末章兼寄咸中

聞道歌驪久行行上 帝畿尊公方小州吾子定雄飛驢  
背詩能穩鴈行書寄歸胸中五千卷不是為輕肥

上堂家慶畢分手問勞薪弟往青油幕兄依紅土塵對牀  
思轍夜夢州憶連晨二惠吾徒畏何時得共親

以今北首日憶昔別燕臺駿骨何年買桃花無數栽故吾  
真好在前度復重来慎勿輕相棄襄陽未易才

此日行藏事吾知決擇頻衡為漫刺客昂作碎琴人敢向  
長安笑常愁京雒塵高材有公等不復慮翻屯

頃在百花里高齋迭過從觴行嚴酒政塵落咄詞鋒卿法  
聊如此狂奴絕類儂平生少許可投分是疎慵

先汝京華去江東有阿戎一龍誰腹尾聯璧勝桓躬光閭  
匣中劒音餘爨下桐蕉園幾脫稿吾道未終窮

鳳求凰變四首

遠山眉際宛清揚漫把文君與頡頏今日靡蕪山下路誤  
人一曲鳳求凰

放誕風流未足云禮防珍重舊知聞只緣怕作當壚婦此



段還疑不及君。

前看墮珥後遺簪。曾少佳人伴錦衾。若使相如早乘傳。也應不省白頭吟。

麤豪渾未解溫存。枕上三年拭淚痕。才子若非情種輩。斷難捉筆賦長門。

無題四首

百兩迎門豔合杯。那知鴛鳥托為媒。郎心正似東流水。一去從教不復回。

百歲恩情三月中。苦將團扇怨秋風。妾顏未必當薄命。也似花無百日紅。

郎伯何人肯見伸。赫蹏小字上書頻。自憐不及莊姜厚。猶

把先君勗寡人。

逝梁發笥一從渠。織素猶能五丈餘。若向貧家作新婦。縱令縑好待何如。

蒼犬歌

烏斯蒼犬毛骨殊。摺伏來向庭前趨。龍精入胎孕奇物。勇決不與韓盧俱。西南山深人斷絕。武皇開邊石為裂。山鬼晝嘯夜跳梁。喜啖人肉飲人血。誰知此犬真猙獰。牽出千獸百怪。驚電光四射。氣蓬勃。夜半變作寒鴟聲。中原丈夫身手好。百金買汝非草草。出入與爾同死生。等閒笑易烏斯寶。歸來聲價頓岑寂。鐵鎖縛項齒欲擊。鼻尖火出毛怒張。肯與凡犬同牢喫。我今為汝買肉餒。今勿生悲前勿喜。



韓盧之烹狡兔死英雄末路皆如此

送朱雪鴻之廣州

驢唱何匆遽驅車上五羊柳今難復折梅定遠相將舊俗  
防孟蠱人情重橐裝古賢多贈處爾我莫輕忘

歌聲

十五嬌兒衣錦襦紅牙按拍習吳歆年年秬載歸侯里只  
似唐時貢矮奴

題周恭肅公雙喜圖

尚書幼於語孟上以意輒作聖賢像稍稍遇物即寫之庭  
樹鳴禽滿屏幃要與畫工筆溟滓時出新意神閒放黃筌  
徐熙久擅長竟於此也無多讓我家舊藏雙喜圖晴天常  
向蕭齋張鵲偶和鳴來樹間畫真寫照無殊狀翻疑掉頭  
翹尾時絹素躍出高枝颺尚書功名書竹帛粉繪多生未  
能忘鵲靈告祥寓深意太平有道非無象君不見老迂生  
不逢明時蕭瑟寒林寫微尚

觀穫

九月天氣清風吹穉稬香駕言往西疇亭午暫徜徉下田  
最潦溼所愛秋陽光入山斬叢竹秬載阡陌傍家督率亞  
旅經理頗有綱轉移諸職事腰鎌各成行刈之若斷織一  
望皆茂黃縛竹列田間有如鼎足張束藁架其上三日登  
秋塲黃雀啄餘粒鴻鴈謀稻梁力田倘逢年為農滋味長  
催僮拆所築扁豆架



四月種豆苗雞鶩啄其根緯蕭為樹柵籬落成丘樊柔藤  
頗屈曲引蔓晨夕籊斬竹試立架枝撐倚高原絡繩如罟  
魚密葉障朝暎開花間紫白累累珠寶蕃小摘已盈袖加  
點佐盤飧設几綠陰下火雲如燒痕納涼並雜坐清言滌  
囂煩蓐收初殺艸風雨時飛翻隙地寡幽趣兒童任所掀  
眼底覺一豁滿引老瓦盆

旱

三月天不雨下田龜兆坼農夫踏桔槔搨搨晨至夕驕陽  
燄方張勢同焚柴烈歸壑疑窮冬村港斷行艎輾轉必  
三田間水微激來如惡灘上去若尾閭洩晚厭火雲飛曉  
苦籊星潔寧不知官租採之無計畫豐隆隱南山生理未  
斷絕黑雲大作勢滂沱足阡陌狂飈忽焉吹雨意竟寂寂  
老農錯料事大叫怪咄咄未煩誅魃精還宜訟風伯其威  
益蟲蟲健婦飢中啜柱礎生微潤鳩婦棲樹聒天意不可  
知物理固莫易望眼久已暗堅坐郵表覷過電若流火空  
山響霹靂飛雨霽而至疎點打敗霹靂聲未止屋角掛  
雌霓

寒

寒日淡欲無四望氣茫昧玄冥將作涼勢與屏翳會夕春  
起青蘋夜半力漸大日出一丈高其時覺稍殺旋攪地軸  
翻塵埃漲江介欲行已塞口面骨割甚憊歸來理冒絮蒙  
頭縮如蝟肌膚隱生粟竒溫向誰乞反畏風息時栗列此



尚未詰朝晴景潔嚴寒果益熾吹氣膠微鬚層冰踏不墜  
南國歎無衣生民半憔悴

悼僕

汝一駮豎子才未越行輩裹頭來事余客至失應對家貧  
百可吁僕蠢未足怪驅使復何人操作雜瑣碎口應力不  
加亦微語言諄能不憫其勞或時責其怠終愧阿家翁癡  
聾甘憤憤苦我屋上茨秉我田間耒從我上白門期我奪  
赤幟失意氣慘悽高興力顛顛襍被常壓肩錦囊時負背  
燕只傍巢飛犬每還家吠女妻既猝亡女身又病嗽豈我  
生不辰累女早顛躋松菊誰為澆琴書誰與載酒後名錯  
呼堂側影疑在魂兮哀我窮長夜尚一嘅

侄弟婦喪歸烏戌五七姪元澄請恒公施食

侄歿未星終婦復厄二豎靈輻自成來琴瑟在地府阿澄  
為女後至性罕匹侶撫棺一長號哀毀感行旅計畫無復  
之塞悲妄亦可或言人死時精魄無所主七日宛度劫鬼  
厄尤畏五大闡秘密法能救諸塗苦咄哉西方變未可常  
理取芻靈儼像設面目最竒古現此鬼神身空堂疑跳舞  
高坐來恒公末法賴拈拄眉如菩薩低目似金剛努帽簷  
七寶裝鉢衣佛付與供養雜香花法音奏鐘鼓咀唱亦微  
妙嘈嘈響秋雨十指幻結印夫孰解手語白粲薦盤中粒  
粒佛號數狡獪如麻姑擲米變法乳其時風肅然景光若  
可覩大師定天人衆鬼兼新故攫食皆撐腸一一禪味咀



我哀阿澄志慙息少齟齬鬼神祀非族吾道良不許  
望古堂燕詩為山年作

秋社年年結伴歸可憐今歲事全非銜泥苦共營巢後獨  
引諸雛去學飛

讀史二首

星曆天文世所師何須奏記始憂之一生經術原無用恨  
殺尚書策告時

寶劒霜鐘識最奇何言天道遠難知一生博物原無用不  
救台星圻後危

余向讀王子淵傳有非無聖主賢臣頌只教宮人記  
洞簫之句今年閱升菴集中亦有是語世人或見  
此詩指為偷句之鈍賊余無以解也然聞與之合  
私心亦竊喜自負焉因作詩示同志諸子

下筆雷同事偶然從來佳思怵他先平生不解偷人句也  
有鶴聲飛上天

樂志齋讌集

我老腐儒餐長缺卒未彈賴有百甕釐足敵肥羊萬何當  
來華堂上客與高宴四座各燒燈數點晨星燦輕瓷薦異  
味一一食經誤初筵便豪飲腹腴苦偏勸須臾出家伎頭  
僅過書案歌喉帶雜聲曲師每稱善雜劇十餘種宮羽遞  
移換高生傳中郎柔聲極宛轉梁子度清秋伍相開生面  
長想失路人叔衣歌按劒更彈別鶴操月下訴幽怨藥師



真英雄竊符姬婉嬖人樣推檀郎擲果締深眷百端摹寫  
之瓊瑜足回旋跪拜如男兒冠裳愴世變髮髻乃本色妝  
服驚新炫輕翬水月華凌波雙行纏相逢學避人障面出  
畫扇參軍傅粉墨調笑工科譚假面來西涼傀儡麒麟檀  
點綴風景間意態百不欠兒童最狂喜凝神目雙眩節因  
樂句和喉逐悲絲轉餘音猶繞梁坐客皆竊歎未須縛窮  
袴終當防惱亂獨少錦纏頭博此珠一串燭滅更留髡洗  
殘遞酬獻此樂屬爽鳩歲月去若電他日發狂言司空渾  
慣見

自題所臨法書後

我少學法書塾師教運辭謂須執筆高可得揮灑勢欣喜  
從其言敍斜不成字手筆不相習仍踵俗書弊指日取便  
適翻覺脫稿易習熟即難忘字形盡失位手鈔古今書塗  
改少精緻積久漸成帙反覆視覺愧置之几案間家公見  
輒詈十三學綴文促赴童子試風簷更潦草文輒因字棄  
從此對古帖臨摹夜忘寐有鬼在腕中寸管悍難制何時  
康崑崙得盡忘故技或言在勉強人一已百倍鼓篋搜敗  
帙暇則書其背當夫興會佳亦略能位置及乎紙墨精盡  
失所倚依便面尤貴重矜持敗人意書傭古所戒况乃形  
似未從游二三子課日呈制義紙尾署數行見者驚其異  
我亦幾自疑謂已少便利臨池試求工故態了無二書學  
一小道長益不易致學殖矻窮年何由造絕詣



示度庚

我少不好學腹笥總未富誦讀略終篇輒復思棄去掩卷  
即茫然人情易厭故况時引睡魔篝燈目昏瞽惡態百不  
除亦因少領悟扞格不相入焉能不消沮弱冠稍知學世  
情日錯互盛年奉晨昏道途寡幽趣縱復勉遜志所得皆  
未固歲月去堂堂自悔多謬誤人生天地間澆灌須今古  
少學最難忘老大所不如慎勿學而翁玩愒失所據譬若  
厲之人生子似反懼

堯峰山莊詩鈍翁先生命作

先生兩草堂一在堯峰麓版扉向陽開簾閣面山築前榮  
位琴書中庭植花木愛對竹蕭蕭喜聽松謾謾微霜變秋  
林輕煙冒茅屋捲幔意有餘企脚看不足高興詩百篇澆  
愁酒一斛尋幽舁籃輿得暇鬪茗粥晴雨問鄰翁雞豚延  
近局結習書未忘機事基猶覆門生議蠓蝻老宿叅柏竹  
載鶴楸頭船應門長須僕佳兒與玄文小婦綻奇服至道  
鄙游龍人情等夢鹿眼光大如箕世界小於粟誓從斯人  
遊端居抱幽獨

癸丑歲余遊楚中適錢塘趙子晟野從其尊人憲副

公自端州歸至漢陽贈余蕉葉白端石一方壬戌  
攜至郡城顧德鄰先生斲為二硯雕刻如數百年  
物兩公之賜皆不可忘為係以詩時甲子冬十月  
也



端州有石生水底百丈繩懸沒溪水庶盧宛轉出山頭駭  
汗浹背顏色死石質黝如浮墨花鸚眼晶瑩暈星美山川  
扶輿鍾秀靈長與才子供驅使南州寶玉世所珍羞與珊  
瑚玳瑁比趙公歸裝只秋風載石沉舟作行理公子趨庭  
聞禮詩不燒官燭寫官紙篋衍但攜一石硯日樵來禽與  
青李欣然贈我了不惜勝獲瑤甕與竽耳青檀髹几日把  
翫出入輒復同起止德鄰先生驚見之即墨侯中無此子  
成風運斤妙莫傳巨靈劈華聊戲爾斲為二硯特寄余古  
色照耀難雜擬螭虎蜿蜒盤邊傍鐵索結紐中突起如遇  
數百年來物刻劃真欲追古始書畫貴須得舊意斲硯君  
胡得其旨若使遭逢鑿賞家摩挲三歎豈能已我書結蚓  
殊未工磨墨小啜差可喜兩公之賜不可忘聊以韻語敘  
終始他日發書見詩定噴飯藏拙終當賴知己

知可堂詩集次東坡韻二首

溪山佳處真難窮諸賢發興來垂虹一千餘年少公等十  
五國詩有此風即今才思如泉湧要出奇變休雷同會心  
所在了不遠眼前莫負霜楓紅

吾方被黜途豈窮胸中歷落橫長虹故人忽來舊今雨古  
調雜出正變風但驚凡夫馬足怪苦得妙語將無同不然  
我竟用我法獨酌數瓊顏微紅

作前詩後雨勢不止復疊韻誇示諸公

水雲濛濛途疑窮舉頭失却連蜷虹一生不思食煙火此



夜恨難買月風偶觸竒境世莫解不作死語君差同孰能  
相期在物外窮老休犯紅塵紅

書鄴衣兄前韻詩後

阿兄詩思真不窮今朝蠟屐來垂虹造語迴出流輩上結  
體綽有前賢風世推獨步原未謬或云競爽差難同一詩  
為飲酒一殘兩頰潮潤旋生紅

邑人有嘲余者次前韻示門人馬御公周漢荀丁冠

威甯遐年

兩髻將華似阮窮一燈秋卷老垂虹深慚文未成翻水長  
恨行難遇好風觸迂愁腸頻自遣謬悠時論豈能同與君  
堅守生平約日送斜陽萬點紅

甲子十月廿六日今上駐蹕蘇州日高春時法

駕自閭門入祖修從齊民後伏謁道傍因紀所見  
以志休豫之思焉

騎而前導者一人冠服法象邦武臣齊三服官腰垂紳兩  
兩奉引儀振振騎而執繖人長身華蓋象應天星辰天馬  
按轡不動塵步而夾騎毛仲倫首尾環衛如勾陳道旁伏  
謁近萬民中纔容騎城重闥牽帥近前無人嗔麾手令起  
帝聰仁起伏蹈藉勢紛綸顧而見之天笑新闕闡歛

忽回陽春從官衆騎肅駢駢魯衛母弟帝所親龍子體  
被黃金鱗出陪法駕從翠麟冠裳劔珮國秉鈞前夔後  
龍廊廟珍其餘扈蹕俱忱恂雀翎縵纓冠鴟巾短後半辭



黃色純中涓數輩雜駟乘輿服御藉錦茵尚方造作鑿  
金銀覆以黃帕驅嶙峋食馱駝峰兼猩脣罷免頓遞民忘  
辛紺眼碧髮僧疑神梵語呪動驚波旬載之屬車塞通津  
下土蟣蝨伏海濱芹暄未能獻 楓宸矢詩聊紀今南巡  
雲間自董文敏後書家皆有法度可觀沈宮相澈關  
山人雪峰足步武前賢余嘗與衷素歎山人之不  
可作今冬宮相又復下世展翫遺墨為識於後

文敏嗜古規作字字得十二種筆意平生碑版不釋手坐  
則畫地卧畫被敢謂鍾張遂抗行筆勢翩翩趁姿媚金行  
以來多名流持論時復有同異懷琳贗書幾亂真王著麻  
牋半收偽書家南董世所推公亦談博無遺議紙尾揮毫

署數行似古彝器存欵識濡染遺風有兩賢能得晉韻兼  
位置山人蕭散姿出群生憎墨豬非我類其人淡古亦如  
之秀骨藏稜見高致宮相人地略相同筆最勁正體俱備  
倬直時頻被 詔書 天子臨軒歎超詣冠裳劔珮大臣

風豪端足覘廊廟器兩公書法同師承結體少異關興寄  
譬如臨淮代汾陽辟壘旌旗變軍勢又似蘇張縱橫家同  
出鬼谷源無二文敏只今在人間放此兩公出頭地嗚呼  
學書貴得意踵事增華本加厲縱使臨撫能逼真不知已  
落第二義文敏書派僕數難宮相得髓為嫡系或復兩稱  
山人書薛米真堪敘兄弟不惟能撮諸家長兼亦無忝學  
士裔我生同時恨晚出筆法雙雙歎逝水展罷遺迹為慨



然一時墨妙今誰繼

冬日題王需菴扇頭初夏小景

豪端不合生丘壑天氣清和噴叢薄冬日怪見艸木稠坐  
覺寒色歸寥廓便作宗家壁上觀尺幅饒具山林樂山盤  
石仄路高下陰陰灌木交枝格中有茅堂八九椽虛空逃  
處無村落兩山相去不數武溪流欲渡橫危約高人拄杖  
時往來四顧蒼茫少行跡諸山迢遞相接連煙樹雲中辨  
芒屨薰風長養發華滋萬壘巉巖被丹蘄倘似今朝粟冽  
時一夜商風隕秋籜此圖雖已捐篋中亦復元氣關斟酌  
借問何人盤礴為忘菴之弟需菴作  
見漢荀詩格律大進為寄一絕

苦吟時值子從遊此日青藍校似優不信白家詩格律尚  
堪長被老元偷

寄冠威遐年

郡城來負笈一旦忽離羣却似中年別無過帶水分道南  
吾尚愧硯北爾何聞疲茶今逾甚誰能張此軍

寄葉學山上杭

正月途中見云為南越遊題襟復何日判袂忽驚秋舊雨  
人俱老新詩體更道唱酬無爾在良會惜淹留

陳均寧先生族子以舟形築室於鄧尉梅花深處堯

峰先生書其額曰雲壑藏舟次韻二首

曲折山岡小徑通藏舟雲壑道家風亭中鶴翮教僧放池



畔鵝群許客籠。香雪四圍花馥馥。松濤千頃影童童。米飯  
書畫誰能似。坐定渾忘一畝宮。

山居面面絕風塵。水檻雖添罷釣綸。但與梅花為主客。不  
妨明月作比鄰。樵漁指使家浮雪。道德箋疏草結濱。莫怪  
思光無住處。牽船岸上即逃秦。

邑侯郭華野先生壽詞

東萊郭夫子江左一循良。騎竹兒皆長。栽花縣並芳拂城  
松樹直繞郭水。荷涼鳥雀行書案。湖山對訟堂。牛車完稅  
樂水馬插秧。忙肺石無冤氣。園扉照太陽。人俱安。北叟客  
少出南塘。化雨時沾灑。仁風久簸揚。同時陸嘉定。前代霍  
東光。百里雙峰峙。三賢鼎足張。政真猶魯衛。治足繼龔黃。  
甲子年方富生申日。正長公如開壽域。民欲祝無疆。

寶帶橋望震澤

寶帶五十三飛虹。蜿蜒橫跨吳城東。又如初三月。新上無  
數蕩漾波濤中。太湖四萬八千頃。七十煙鬟疑倒景。屈注  
澹臺湖。下流水爭一門水。勢猛昔賢施帶為成橋。淇園下  
楫功最超。至今登臨一憑眺。湖水浩淼山秋豪。煙村數十  
列屏障。風起水湧非一狀。莊惠濠梁樂有餘。縱然別去情  
難忘。君不見皇家治河蒼水使。三吳水利為職志。楓江  
斗城獨濱湖。也有垂虹七十二。

偶題

月中仙種不曾殊。頻歲滋培費轆轤。五桂扶疎庭內長。參



差愛殺第三株

乙丑伏日過芳草堂看忘菴先生畫設色芙蓉兼烹  
日注茶助談曰去歲伏日楊潛夫訪我詩在僻間  
得屬和亦一段佳話也因成二律囑寄楊先生以  
博一笑

門內微聞剝啄聲主人倒屣出逢迎  
烹日注旗槍動纔豎松枝議論生  
池上芙蓉摹入妙僻間章句和難成  
年來伏日多佳話更復知誰續舊盟

權將蘿薜當衣桁  
小雨和風又放晴  
佳茗美於河朔飲  
好詩清似燕鶯聲  
玄中妙義吾何敢  
畫裏天機爾自精  
須約子雲重過此  
樵鬚一續去年賡

喜雨乙丑伏日作

長日驕陽民歎嗟  
滂沱數寸潤桑麻  
更欣身自為霖雨  
灑遍江南千萬家

顧有常招余出杜詩評論賦寄兼示令兄有典有極  
每愛辟疆弟與兄招邀細把杜陵評  
一時才力真無敵  
晚節篇章老更成  
若箇註箋為最合  
諸家聚訟甚難平  
從來撰述多同異  
能使前賢畏後生

戲作禪語慰有典心疾

夙昔胸襟似海寬  
偶然作惡也無端  
纔除妄念便為妄  
欲去安心未得安  
大似眼中難着屑  
須知水止不生瀾  
坐忘得力君能到  
只作本來無物觀



和范文穆閭門初泛次原韻

最愛清秋日偏宜出郭行水深舟便穩橋矮路頻更氣與  
秋天爽心忻林木晴境搜詩裏句景得畫中情拄頰看難  
以掀篷眼欲驚微風帆覺弱小港榜須撐茗戰如當敵棊  
實所兄山歌催拍紫水調轉喉輕共把郎官蠲宜餐騷  
客英分曹張拇陣薄醉破愁城過眼旗亭矗當關津吏迎  
波搖魚影亂日射鷺邊明鐘似林間出山疑影倒橫巾車  
穿徑遠漁網截江平灘立牽曾架堤支岸水棚牛羊綠夕  
下鶯鴨引雛鳴晚樹樵歌歇荒村虎跡獐煙凝迷嶺勢風  
急隱濤聲逸興原難盡茲遊作麼生何妨凌鳥道忍便與  
鷗盟藥物連雲斲芝田帶月耕景光堪把翫歲月逼崢嶸  
橘頌還能賦蓴絲可討羹若無山水興日日掩柴荆



柳塘詩集卷八

詩六十五首

和侍講李公甲子九日鴈塔登高有序

時當九日地入西秦亞字高城形如北斗九封故  
 址勢盡南山是從來定鼎之都亦中朝上游之地  
 藍田月色最發騷情華子犬聲俱供畫具一望則  
 千巖競秀四顧則八水分流應接不暇竟似山陰  
 八九將吞還同夢澤若乃經馱白馬座擬青獅琳  
 宮縹緲點綴紅樹蒼煙梵韻琮瑋響荅漁歌樵唱  
 爰有慈恩特標鴈塔毘耶則宰堵為名震旦以浮  
 圖作號邴家佞佛名藍祇禮高僧謝氏遊山精舍



便尋勝境於是西園才子競擬停驂南國名流每  
思蠟屐景同崇敬奚俟牡丹徑似唐昌何須玉蕊  
乃槐花乍綻之日正桂枝欲折之辰名書淡墨復  
選勝以遨遊餅賜紅綾將登高而憑眺題來天上  
羨桓公稽古之榮名落人間係匡鼎說詩之力在  
一時已誇為盛事至千載遂志為美談茲者侍講  
明公才如仁裕腸俱篆籀之書筆似文通胸有明  
光之錦使星北至云為掄才仙氣西來實因選士  
網珊瑚於海底世號無雙獲珠琲於領間人推第  
一鹿鳴宴罷佳節奚酬鴈塔題時前蹤可繼昔者  
淵明愛閒居而興懷坡公憐虛度而致歎賞心樂  
事無非弄月而吟風飲酒賦詩不過銷愁而遣寂  
未能免俗即便囊菜亦復為之或疑落帽未有膺  
茲寵命旋譜聲詩駕彼軺車偏耽逸興修承平之  
故事得遺跡於招提宋公座上盡公門桃李之英  
滕王閣中悉藥籠參苓之俊詩詠沈宋言言抱隋  
侯之珠筆駕庾徐字字韞荆山之玉誠鸞臺所歎  
服而雞林所流傳者也祖修幸以菲葑謬叨採擇  
蠅聲蚓竅長當貽笑於夫方點額曝腮不至見棄  
於元禮誦茲長句真如錢劉擅塲續以巴辭敢云  
元白壓倒

叢桂初攀菊漸開慈恩遺跡數徘徊好攜元禮登龍客同



上劉公戲馬臺覽古却深豐芑思采風獨得夏聲回今朝  
授簡題詩處長愧登高作賦才

擬九日 經筵恭紀二十韻

遼海回鑾日 經筵肇舉時 五雲低講幄 萬象麗朝儀 喚  
仗群嚴肅 句傳各委蛇 秋陽明劔珮 朔氣動旌旗 前席新  
膺着 甘盤舊所師 說經俱孔鄭 論道悉龍夔 要脫迂儒習  
須於治道禪 百家還畫虎 六籍乃元龜 但表臣心直 無疑  
天聽卑 如稱新語善 定屬格人為 舜以圖書朗 奎惟日  
月宜 文風丕禹甸 喜色上堯耆 况值淒清候 兼鄰塞堦期  
不因寒輟講 更許鼎陳詩 兢業須勤學 光明在緝熙 偶然  
逢令節 終不廢曩規 治統超湯武 心源接孔姬 岱真能不

議管遂敢忘窺 課忝漚香賜 深慚載筆隨 年年稱萬壽 亦  
上菊花卮

王明君詞呈秦對巖先生

莫道君王恩薄時 臨軒一見重嗟咨 妾身自恃好顏色 不  
肯黃金買畫師

何子屺瞻之議論家元朗之文章俱英偉可畏而時  
論頗有異同因作詩調之

二子今英妙人疑龍性馴遜何妨不遜均豈必須均能使  
前賢畏休論孟氏醇雖然多忤俗幸各愛吾真

沈子京築浴室招飲同沈貴園先生作

十笏縱橫浴室開 澡身纔罷共銜杯 雖無活水源頭至 大



有溫泉地底來。觴咏流連如禊事。坎離交濟即丹臺。興酣重憶湯銘句。尋味真堪誦百回。

賁園自維揚至吳門盤桓數日別歸梅花源作此送之

有客維揚賦式微。清嘉風欲浣征衣。官梅幾樹堪留詠。明月二分難載歸。聊對酒杯文細論。與談時事願多違。倦遊合向花源住。堅守生平舊釣磯。

小飲沈子慎齋頭名姝在坐雅謔間作為賦一律

高齋雜坐引忘憂。鼓瑟倡家藝最優。喜有酒狂青醉眼。媿無阿琬錦纏頭。花魂解語迎人笑。月姊傷神愛客留。自是思王詩句好。傾城名士兩綢繆。

坐五柱堂雪甚題顧禹功梅花畫屋圖示衷素

並坐茅齋啜茗杯。四圍香雪白皚皚。阮生此日來談論。不對高松對老梅。

聞謙六舉雄次家君韻

入郡聞君舉一雄。啼聲殊有昔賢風。此時英偉真無敵。他日聰明也作公。犬子可能同似舅。虎兒正復足當翁。請看高大于門慶。只在諸郎競爽中。

題畫贈止上人

水閣觀空息俗緣。一池初漲葉田田。自家性地光明在。要似荷珠蕩漾圓。

題山中讀書樂圖為顧小范作



莫謂虛空未可逃。殘編數卷樂陶陶。靜時消息觀周易。醉後牢愁讀楚騷。山色半吟成好句。松聲都寫入琴操。恍疑身在圖中住。不覺咿唔興倍豪。

送何楚孫先生之江右省其兄學憲君

光芒龍劍燭星分。此日歌驪遠送君。一路看山俱帶爽。大江無浦不飛雲。宜逢勝友頻沽酒。堪與賢兄細論文。采入奚囊凡幾帙。時時諷咏發清芬。

春杪雨中與秦洛生劉巽五金闈言別適汪武曹及

此瞻挈舟錫山因作此詩寄之

沽酒論文憶舊盟。春風細雨送君行。情懷定為中年惡。鄙吝即從此日萌。偶話二泉神便往。每當落日眼偏明。故人聯袂挈舟去。悵不追隨出郡城。

長史頗喜余詩。欲窮余作詩之法。將以所聞於先正者告之。而怖其才。感其意。因作長句奉贈。棲遲晚

晚語無倫次。并傳示令貽武曹弘。遽屺瞻令兄社

肇家元朗以博一笑

張子平生寡所合。鹿城一見稱莫逆。酒酣骨肉欲騰飛。憐我蕭颯衣短窄。自知雕鐫句多累。忽謬許作詞家伯。略聞前輩有緒言。落筆旋忘昧。持擇引為匹敵事。誠難意得毋同嗜。痴癖東南小兒好。學語無所依據少。繩尺斗量才情。某某在何堪。與共成一石。昨歲使者闔院試。子真健者人。辟易筆勢淋漓。峽欲翻。憂其叙事典而覈得之。風簷為尤。



難我甘執鞭從子役老逐衆人素所羞兩足欲行前復却  
看子雄飛在高岡小試便脫諸生籍此不足喜亦豈悲  
髮星星無善策未須料理喫飯處阮眼怪人常放白只子  
過我喜趺然風景欲顛頭不憤執手重申前日語寧知燭  
武不如昔老馬識途事總非慎無無鹽為刻畫子方日中  
我畹晚鷲才况復當什伯便須文場為渠帥何止奉啖牛  
心炙我亦舉謏聞告子子聽能無笑啞啞

離垢園雜題沈賁園先生命作

蕭閒堂

倪迂築蕭閒俗客不許入先生絕類之蒼苔少行跡

海棠徑

海棠三兩株顏色未憔悴落紅滿徑時猶似太真睡

水木清華之室

樹色帶水光箇中有真味先生著其間寤歌非無謂

畫溪

夾溪有林木中流雜泝泝先生時卧遊指作巨然畫

鸞嘯臺

企脚坐高臺四顧少同調天半疑鸞鳴孫登發長嘯

澡影軒

層軒面清池鬚眉淡流水日坐空明中三五伐毛髓

桐蔭

若斫為琴材此桐何不幸留以庇君子清風肯相引



紆雲樓

莫道先生貧，繁華遇春茁。風吹紫藤花，霏霏落紅雪。

藕花步

環溪葉田田，名曰藕花步。日氣發香光，牽船亦堪住。

木叉菴

把茅為蓋頭，清磬聲入耳。吾非學佛徒，心亦生歡喜。

待鶴坡

孤山林處士，梅鶴為妻子。有梅鶴飛來，意亦當爾爾。

君子亭

寂莫楊雲亭，亭顏以君子。荷靜竹深時，畫中詩亦美。

坐花巖

箕踞坐石巖，頂露帽亦脫。四圍爛生光，一生花作活。

侶鷗池

十畝漲方塘，群鷗日來往。先生亦忘機，孤懷在蒼莽。

同野堂

筮卦得同人，彖辭有于野。題為講堂額，其徒必瀟灑。

凝香榭

妃子與名花，合之亦雙美。先生物外人，愛花即欲死。

二仲廬

欲推道南宅，好友懷二仲。未肯逃虛空，芝田得同種。

春雲渡

大溪沒春雲，滄滄帶滄滄。雙槳撥頭船，往來人不覺。



角里先生故居

黃蛇蜿蜒頭屬地鶉首賜秦天帝醉祖龍隆隆焰方張牛  
毛法令民生悴商顏鬼我天半青有土磽确不可耕但得  
脫秦郡縣籍雖長顛領無難行紫芝曄曄饑能療偕隱尚  
喜多同調我鄉亦有角里生園綺夏黃稱四皓意者真為  
赤松流不然誰識張留侯衣冠怪偉毛髮古頓令隆準回  
雙眸周昌貴彊被騎項食其狂生煩譙讓帝王賞鑑自不  
同位置直在蕭曹上高山蹤跡今有無白雲滃滃漫荒蕪  
三公姓里不可考獨有角里存遺模洞庭兩點水中凸萬  
頃蒼茫為凝結不妨號作太湖精萬古千秋著高節故居  
指點陂陀間行人憑弔相往還縱然傳會休疑惑神樓化  
城託亦得

題上方寺

寄示趙書年陳起雷  
千里歌驪竟不聞尚思尊酒數論文過門不入能無憾未  
敢人前薄待君

題上方寺

直許梁公作後身驅除淫祀近誰倫只疑罵鬼文堪誦猶  
是從前求福人

仲秋月夜懷岷瞻偕王駿聞讀書承天山房

空庭積水月如銀苻藻交加景逼真忽憶承天遊賞處此  
時解作兩閒人

真州寓中朱天飲廣文冒雨見訪



憶昔津亭手乍分。征帆飄泊大江濱。不嫌蠟屐逢今雨。相對柴門慰暮雲。索笑幾敲官閣句。銜杯與論選樓文。何妨久客頻來往。賞折時時舉似君。

穹窿梅莊看梅懷金醇還中舍

獨坐園林自樂真。四圍香雪白于銀。山中此日無知己。却指梅花作主人。

拈花和尚煮餅見招因作一絕奉呈

蔬筍家風未足誇。獨尋禪味過拈花。西來大意君能會。不作公羊賣餅家。

穹窿綠山皆竹筍穿土時山人晝夜巡護因紀其事

竹深吾所羨。愛惜愧山農。擊柝巡松鼠。編籬護籜龍。雷驚抽節早。雨潤喜陰濃。易見成林日。何妨寄客蹤。

積翠拈花兩和尚餉筍報之

一夜春雷挺籜枝。駢頭兩顆遠相遺。生平不解安禪訣。只與君參玉版師。

韓蘄王功德寺

數株銀杏古而蒼。遺刹今猶在上方。半壁東南幸無恙。蘄王功德勝空王。

意行二首

住山數月省逢迎。飯罷招尋率意行。每愛雨泉窮澗道。時從笠頂看雲生。詩搜寒瘦撚鬚句。琴寫琮瑤指聲。不是讀書曾得力。誰能領取此幽情。



兩處招提日一回。勝遊端為看山來。喜尋積翠千竿竹。愛探拈花數樹梅。逸韻亭亭雲際立。清香冉冉月中開。此間大有忘機趣。懶舉盧能明鏡臺。

初夏

天氣清和日漸長。山中景物最難忘。晴收茶子村村綠。風散松花處處黃。偶住林泉聞異響。屢經巖岫覺餘香。雖無錄事將貲送。也擬山岡結草堂。

掩關

剝啄無人觸靜機。何須折竹拄柴扉。空庭白晝鳥雙下。荒徑斜陽僧晏歸。小隱自宜人境遠。住山久覺世情非。倘能堅守生平約。或許身生羽翼飛。

望堯峰懷鈍翁先生虎丘咸中兄尹山

尹山烟水足秋容。虎阜幽竒掩數重。看竹撫松添箇事。算來全不及堯峰。

趙王墳

誰復麥孟薦荆榛。沒墓門生曾遊北渚死。定賜東園龍蛻。王孫骨鶻啼帝子。魂海桑多故。後踏作老荒原。

登穹窿絕頂

偶蠟登臨屐紆回。引興長穿林。鷲宿鳥度嶺。穴奔獐山勢。趨胥郭湖流。隱夕陽阮公視書暇。經日意難忘。

遊仙

玉京不可問道遠。更嗟峨嵋使欲憑。青鳥餐宜采玉禾。幾時



生羽翼無計犯星河若有神仙徑吾甘反舊阿

道院

民生久凋弊祠觀鬱岩堯雍峙秦皇建神山弱水遙似同  
霄漢迥疑役鬼神朝未必非迂論天家許炳蕭

讀書臺示衷素雲垂錫宜

翁子窮經日荒臺跡尚留貧時淹歲月老去說春秋每羨  
三公黼難披五月裘讀書徒利達只怪故妻羞

聞韜荒貴竹計音

千盤貴竹鬱蒼蒼有客來言殞楚狂姑孰青山歸骨遠未  
陽白酒旅魂傷竟無弟子收玄草空有奚奴負錦囊道阻  
未能磨鏡去楚些體弱不成章

菌

雷聲纔送雨穿土菌青青味似江搖柱形如寶帶釘為菹  
加並非作鱠糝宜鯖欲報山妻去都應載食經

楊梅

最愛楊家果累累摘滿籬種宜尋竹塢味更勝銅坑橘實  
遲秋熟櫻桃及夏生俱堪當火樹此覺稱佳名

駿聞冒雨過山中匆匆別去奉寄郡城

剝啄聲良久柴扉始肯開春風無客過今雨怪君來不覺  
楚然喜寧關興盡迴離懷頻作惡臨別幾徘徊

西山

畫舫籃輿不待招傾城取次過楓橋迢迢一徑千松直隱



隱層巒萬笏朝。詩酒留連高興發。林泉曲折逸情遙。昔賢  
位置今頽落。猶為山靈歲每邀。

駿聞買其從父咸中堯峰別業讀書養疴作此寄之  
嗣宗斷手後。今見仲容來。硯古臨池洗。方竒覓藥栽。看花  
聯句穩。待月一樽開。此地曾留宿。籃輿易往廻。

嶺南閔公住靜西洞庭。今遇之於長干寺。以詩招之。

同歸

行脚頻年鬢髮星。一瓶一鉢似浮萍。閒雲偶過長干寺。定  
水常依西洞庭。法許龍聽窺象罔。詩看鯨力破滄溟。何時  
共約吳門去。來往風流戶莫扃。

昨陽湯公輓詞

欲展匡時學。誰知願更違。早休真得力。復起蹈危機。獨立  
身難免。盈庭議孰非。蒼蠅飛欲止。白日照終微。未遂胥濤  
怒。應從樂社歸。平生辦香意。舍此復何依。

長干遇嶺南僧劔菴

長干遺跡已千年。瓶鉢南來息俗緣。便向此間圖作佛。不  
須他日更生天。塔鈴欲語人誰解。花雨常飛妙莫傳。悟得  
箇中消息在。時時調伏即安禪。

別起雷

面目吾知太俗生。素心舊友近寒盟。憑他數載殷勤意。不  
及今朝送別情。

數載楓江風雨晨。別君今復與誰親。雖然三疊陽關唱。不



羨公孫有故人

再別起雷并寄書年

連城高價世爭傳。豪氣難除君亦然。若使為龍吾作尾。不容此外有時賢。

新燕

倦羽差池托族微。家聲曾不忝烏衣。未能上苑高枝宿。欲向連雲大厦飛。春社便當來振翮。秋風亦早識危機。應知此日營巢後。幾度銜泥未忍違。

寓袁微煥

柳塘詩集卷八

柳塘詩集卷九

詩八十五首

過滁作

群盜驅除日興王。一旅中龍潛鱗甲動。鵬化羽毛豐收復。資遺業艱危仗此翁。呂公精相法于漢。並無功。

清流關

暉鳳成擒險失時。一隅竊據易吞之。柴皇神武真無敵。收拾江南欲與誰。

連城示龔檢討

日落風霾欲漲塵。連城在望倍愴神。君休官去吾不遇。無限人間泣玉人。



漢高祖廟

王氣東南燭楚分，斷蛇遺跡此邦聞。埋金厭勝非無謂，不覺其時芒碭雲。

亡僕楊清題琉璃河關壯繆廟詩有鐵槍不為朱溫死，此地如何廟壽亭之句。家君極賞其作，今春予過其地，因思鐵槍忠勇，何可易得，乃反其意而為

此詩

史筆從來善善長，捐軀大節炳琅琅。世間何限偷生輩，此地還應廟鐵槍。

和宜初至都門

三旬驢背最堪憐，手疊行囊只半肩。怕遇鄉人來敘舊，強裁詩句不成篇。烏思繞樹將三匝，鵬欲搏風上九天。猶恐時宜多未合，蕭條襍被竟南旋。

絕句二首

上下數百年，縱橫一萬里。吾道當屬誰，人樣只有此。善人國之紀，斯言在青史。女胡獨不聞，鼎鑄尚有耳。

漢武宮辭

粉白三千滿掖庭，入宮見妒兩娉婷。延年女弟新承寵，從此無人說尹邢。

送鈕書城之官白水

都門忽相見，云將復西行。把酒一為別，春風無限情。燕歌多苦調，秦曲皆邊聲。休言不得意，亦欲展生平。



聞友人誦即墨郭御史彈文

直聲一日滿長安袖裏彈文古所難此事便為指佞草何  
人能戴觸邪冠夜臺齋恨魂方慰政府時賢膽尚寒松柏  
雄姿堅晚節好留人樣與人看

作前詩畢友人謂宜令即墨見之一絕奉荅

國事何當我輩論但宜屏當篋中存應援子美先生例只  
簡相知不寄元

偶題

慷慨悲歌意絕無。姍娜世態足堪吁。海桑四十餘年後不  
見荆高舊酒徒。

聖德詩

百氏秦燔古制更。漢文有道視還輕。欲終喪禮 君王聖  
無數廷臣上殿爭。

風霾

淡墨題名若箇聞。風霾晝晦氣氤氳。魏公昔日當臚唱太  
史曾書五色雲。

唐人本事詩四首示施對揚及武曹并寄此瞻有常

翼五洛生長史及門漢荀

應科目與人書

失水何須更問津。泥沙困頓亦前因。明知此是非常物恰  
似魯人不識麟。

鬱輪袍



詞畫須知有夙因。風流澹蕩近天真。但言直節難輕許。半  
為當時奏鬱輪。

阿房宮賦

國家大計筆生光。小杜才名世莫當。原衛罪言俱不用。何  
須人與誦阿房。

千佛名經

幾從叅訪學無生。果位登時世共榮。只合長為門外漢。不  
能頂禮佛經名。

題友人桃源圖小影

溪橋入谷絕風塵。不少漁翁來問津。夾岸天桃千萬樹。被  
他畫作避秦人。

宣武門外訪學人。張侯在時方奉諱。哀其有憔悴之

色。作詩敦勉兼示令兄錫原。

幾同晨夕忝知音。相見都門傷客心。久為宅憂真廢業。近  
因順變治祥琴。壹堂老去華猶茂。棣萼連枝勢尚森。同讀  
遺書躬御母。此身那許再浮沉。

滿州剛乾初太史。精滿漢書法。招余煮餅論詩深。自

謙退余為舉薩都刺勉之。故有落句。

招要相過意歡然。家近城南尺五天。餅拆何曾成十字。詩  
驚李白捷千篇。龍蛇跡榻唐摹古。蝌蚪文翻國語便中秘。  
校讎心最苦。莫將不朽讓前賢。

贈紅帶覺羅滿昌時從表叔張霞城學科舉文字



本朝諸屬籍許從進士科最能便騎射亦不廢吟哦紅帶  
宗盟重青箱故事多異才生 帝族此日賴磋磨

壽鈕惠師先生效長慶體

人言吾父與先生真是楓江二老成早歲省闈同座主晚  
年里黨結耆英微官漫浪俱小草近局招要必並行更喜  
壽筵還彷彿捧觴各有一年兄

中河

平地施疏鑿誰為畫此謀徒然絕地脉未許復河流避險  
誠無策轉漕大可憂淮南北來往只說利輕舟

畏客

帝城常畏客日午戶還高俗物嫌同調時賢忌獨醒髮從  
今漸白眼看幾時青嘲難何須解還家守一經

客嘲

定為飢驅一至燕傭書賃廡意悽然平生未肯因人熱玉  
貌曾能似魯連

解嘲

素質常愁欲化塵何當京邸役勞薪從來怕脫毛生穎况  
復平原碌碌人

宣武門

賢路妨疑久賜環似未能雍琴悲不已聖酒樂何曾嫁作  
商人婦休如退院僧台階光黯淡回想昨延登

即事



日展唐摹愧不如筆牀硯匣鎮相於客中苦乏芭蕉葉據  
石頻為劈窠書

寄對揚武曹

未忍明時心便灰家居鬱鬱上燕臺雖然東徙聲原惡苦  
欲南圖翼漸回買駿隗休欣始至歌驅式每悔今來愚蒙  
也自憐同病撥悶裁詩數舉杯

絕域

絕域俄羅國何人慷慨行閒田原不問歐脫在當爭  
聖德威無外君恩命覺輕雲間陸御史皇遽失平生

書藏拭德鄰先生所斲硯聞其物故慨然有作

先生斲硯最精良游戲神通手活強欵識皆從彝鼎式琢  
磨如治玫瑰瓊方技而進道真難到運入天機自莫當篋行  
舊藏渠手澤摩挲三歎淚浪浪

四月朔日食

四月當乾位日光蝕似鈞雅歌記辛卯夫子筆春秋修德  
非迂論扶陽定遠猷聖朝無闕事謹告不須憂

春日郊行書所見

何計遣愁去討春出郭宜桃如人面笑柳似女腰垂風日  
尤知美雨雲不復疑及時行樂地遲暮易生悲

無題

小隊紅粧掩映間輕靴窄袖歷孱顏錦襠結束男兒樣寶  
髻玲瓏菩薩蠻風妥林花騎馬過烟籠池柳屏鷹還紫藻



春色羸如許月下何須怨珮環

團扇詞為監修公作

長日如年苦蘊隆輕紈團扇坐生風偶然棄置涼秋後尚感君恩在篋中

歸歟

式微欲賦意蕭騷撲面緇塵覺太勞舊雨書來規客久故山春老悵途遙賓鴻避煖游宜冥乳燕欺風勢漸高此日做裝真未晚敢嫌仲蔚尚蓬蒿

初夏余連遭期功之喪陶子師及對揚武曹元朗過寓寬慰余為破詩戒以遣哀思庶尚未甚悖於古人功誦之義因簡數子

西風老淚灑途窮欲寫哀思詩句中敢似東山謝太傅管絃曾不廢期功

哭亡兒度庚四首

昨忽傳家耗驚聞女病亡烏真能反哺猿定斷愁腸禮戒哀宜節朋規情欲忘東門吾未敢中夜淚千行  
縱復強歡笑何方遣此情人前頻制淚哀甚亦無聲玄與誰能與癡心望再生回思臨別日牽袂涕縱橫

每遇南歸使臨歧囑付頻數行猶寄女半月不為人弱弟將封拆慈親見報辛心傷京邸客餐飯字殷勤

自入新年後家書一字無親知云向愈消息恨俱誣眠食憂緣女膏肓諱為吾彌留聞欲語心耿句模糊



劉生

國子生徒齊上書獨排群議意何居甘心願黜諸生籍賢  
喆滿庭俱不如

可歎

可歎殘春二月餘宦途翻覆互乘除休為一日籠中鳥莫  
聽三言海大魚籬槿乍榮知早謝門蘭雖植易遭鋤何如  
長作山中叟卧看浮雲自卷舒

祖莊

日邊佳氣影瞳矐一壑幽竒怪此翁栗里菊松詩句裏江  
村花柳畫圖中甫參為侶遊方勝莊惠來觀境不同幸喜  
主人都未識囊錢沽酒興無窮

悼硯

日暎鸞眼墨生光玉碎今朝神益傷便與倦遊增惡緒只  
如哭子在他鄉古言破甑何須顧吾念遺簪不可忘况復  
虎頭凋喪後人琴千載恨茫茫

茗上閔未孩先生與家君同舉壬午賢書今年始謁  
選吏部樞謁歸寓悵然有作

頗怪馮唐老賢書五十年黑頭桑劫過白首宦情牽塵每  
飛京邑雲還蔽日邊回思計偕始今昔淚潛然

江南兩太學詩

吾友江浦劉大山以上書之故更其字曰無垢言  
不為京洛之塵所化也長洲何屺瞻亦更其字曰



無勇以示不敢當舉幡之義因作江南兩太學詩  
江南兩太學吾道賴茲存孰草短喪奏能舉訟湯幡垢復  
何當染勇真不必言平生歲寒意皆欲老丘樊

琅鐺

便爾琅鐺去山頭望亦悲雷霆當晝作雨露幾時垂廷論  
何當咎波臣未可欺先生通內典解脫更何疑

入夏

入夏蟲亂出皆因炎氣蒸世還欣見蠍吾更欲除蠅雖屬  
么麼患難教枕席寧蓐收司令後不敢復憑陵

陰寒

夏日陰寒不放晴炎蒸氣候未均平凍蠅將午各飛去鳴

鳩過時猶發聲楊柳絮飄萍易化梧桐花老子難成細看  
物理真如此行樂及時奚好名

歸計未果作此自決

賈胡留滯一吳儂久住金臺意最慵世上有誰堅隱豹人  
間何物是真龍鄉心半發宵時月客夢常醒飯後鐘松菊  
故園俱好在毘陵南去即吳淞

董如齋檢討示失子詩奉寄

與君成久別相見每淒其忽喪能文子都于衰鬢時含飴  
親抱惡著膝客懷悲此意尤同病招魂各有辭

宮人入道詩送龔檢討歸粵東

二八蛾眉進御辰玄玄門內有前因乍穿羽服辭金輦旋



譜瑤笙禮玉真禹步夜深緣道念祝釐曉起為君恩自甘  
枯寂灰心久夙昔繁華宛劫塵

警

頗傳張楚信賊勢甚猖狂激變疑弘靖銷兵有段昌似狐  
鳴大道使鹿觸東方蜂蕙非無毒斯言慎勿忘

贈劉陂千庶常十四韻

劉子美風度相逢吳郡城紫芝眉秀拔玉屑論縱橫年尚  
驚英妙文俱似老成難令臯庶住偶作武丘行贈縞慚吳  
札忘形到彌衡西京勞寤寐北闕羨飛鳴孰近魁三象能  
來太乙精清書腕生動國語舌圓輕三戶初聞傲諸邊欲  
背盟文昌真失筭魏絳許銷萌囊底多籌策胸中有甲兵  
須為范老子已致魯諸生世或陳豐豫廷多粉治平安危  
公等在吾得穩歸耕

讀史

讀史生百感無心羨闕廷何當摧寶婺未怪拆台星襄野  
迷宜復釣天醉不醒只須似高鳥矯翮入青冥  
陸生偶入洛忽忽過三春日蝕不經見風霾愁殺人每思  
邀帝博竟欲藉叢神留滯非吾意何心恥賤貧

調李海若庶常

丁思多滿頰若箇與君倫鬱鬱春苗日離離坡竹晨怒張  
座客苦撚覺詩神若遇盧仝僕還能似主人

北庭



連日羽書至不教軍府傳塵中一騎急漠外數軍懸欵塞  
非無策訛言亦未然明朝漢天子親將去行邊

歸期

歸期纔定足超超曉暮塵沙共起居別友熱因疑襪襪辦  
嚴喜欲卷詩書出攜襪被無他戀行負奚囊定不虛屈指  
到家為計日秋深蕭瑟愛吾廬

贈別李庶常十四韻

吾父平生友惟先司馬翁通家今日敘座主昔年同事業  
升沉裏交情存沒中有兒皆老大喜子苦磨礪翻愧冲霄  
鍛群因冠冀空蒙真老吳下驥實表齊風謬指當蘇過俱  
言似召公承家諸諫草樸學一詩筒北闕鷲相見南宮許  
獨雄青冥看路迴白首悵途窮竟欲相爾汝還期保始終  
但耽疎放甚莫愛媿媿工此去憑江鯉前塵屬雪鴻離懷  
感今昔何忍別忽忽

贈王玉珍

偶于李君座得覩紫芝眉敘係通家舊顏難生客為往來  
因漸密賓主竟知誰莫怪忘形易神交有歲時

贈別錢亮功

共負一時譽能無畫餅如縱憐鍛翻鶴難化曝腮魚我已  
減衡刺君還御李車心期成盍各歸欲了殘書

董檢討以詩贈別依韻奉答

式微賦罷興偏同郭外長橋落彩虹椿茂歡俱娛老景蘭



摧淚各洒秋風山窻靜欲生虛白村徑蕪猶勝軟紅我偶  
倦游君久宦故園日在夢魂中

出都

都門有客欲歌驪此日言旋覺稍遲襟面風塵還似舊素  
衣尚未化為緇

歸舟

迢遞江鄉路數千辦嚴偶趁轉漕船三篙秋漲乘風緩百  
壘衛河上水牽苦欲兼程難遽達不妨留滯此為便吾生  
每事居人後白日昏昏甘醉眠

天津

十萬天津戶衛河控上游地當畿重鎮水與路分流設衛  
非無意轉漕不必憂五雲罨靄處回首帝王州

夜做

日下春時不放行千檣刁斗曉猶驚負趨那畏藏舟壑跡  
射時聞鳴鏑聲京輔有屯皆置戍荒村壘土便為城縱然  
逐捕難窮治囊橐誰能得主名

四女廟

邑人言昔有杜老無子有女四人易男服終身不  
嫁以養父母故肖像祀之

象設何烜赫冠巾肖女媀祠靈醉巫覡廟古卜筵萼蘭為  
從軍健縈因訟父賢齊諧或志怪訛作杜姨傳

四女廟遇陣亡官兵家口北上



去德數十里阻兵難遽前凶門當日鑿鬼妾此時旋骨化  
征塵裏魂傷夢雨邊真如婺婦泣老淚灑江天

臨清

衛河倒下水崩奔一月牽船曉暮喧從此汶流漸安穩千  
檣銜尾達吳門

舟中重九

白衣誰復送香醪兀坐偃僂尚覺勞共道良辰莫虛度舵  
樓頻上當登高

晝睡

一月船窓內情疑晷較長聊憑白日夢頻到黑甜鄉醒覺  
蘧蘧美酣知栩栩狂從今遣岑寂午睡是良方

夾馬營

恰值天心厭亂晨唐宗隱念最精純辦香只為生民炷真  
箇沙陀一異人

東昌懷遜國鐵尚書

靖難稱兵入犯初東昌兩日竟何如當年若得為燕將難  
射魯連一箭書

南旺

湯湯東下勢難平邪許舟人喜氣生南北並貪分水至往  
來俱快順流行也知湖逐樵風便漸見河從導沈清此處  
濫觴何所極窮源須上汶陽城

吾鄉陳三島鶴客詩向極為虞山所賞忽於散帙中



見其五言近體數首眼前自負為詩名家者不能及也因雜誦數過而紀以詩

蔡海遺民錄斯人句法高衰周為變雅悲郢入離騷日短  
長鄉壘心輕夢得豪一時聞賞識彈出水山操

濟州

河防資重鎮水患被維揚川后靈猶在波臣勢莫當頓聞  
決瓠子未許塞宣房若化黃熊去堯仁不可忘

仲廟

祠宇遍天下先賢獨典刑兩廡尊俎豆千古赫精靈此地  
仍家祭何嘗非禮經生平瓣香在蕭弱最惺惺

濟寧道中

亦愛南陽去清秋景足娛鐸鳴騎馬路鉞響網魚湖鴈為  
天晴喜鷹因風急呼牽船來過此未盡厭長途

最憶

最憶深秋搖落時枌榆景物儘逶迤低編殺竹張魚柵高  
東生芻颺酒旗土銼婦炊收稻爨瓦盆僮掉采菱池他鄉  
未必能如此旦晚歸來覺稍遲

泗上亭繙漢高本紀

炎興軍灞上項失宴鴻門烏喙堪同患豺聲定少恩憂葵  
丘嫂貴主進相何尊蒞醢韓彭免寬仁不必言

阻風梁王城

兩月船窻兀坐時那堪蘋末阻河湄屏翳不識窮愁士也



把狂風盡日吹

柳塘詩集卷九

柳塘詩集卷十

詩五十首

已春寄友邗上

九垓期汗漫騎鶴豈難行定夢江都好何當春水生官梅  
連夜發堤柳及時榮尚有梁隋址殊深懷古情

王子應之娶於舅家與東海有邢譚之戚於其婚也

遂序次之以賀

羨汝烏衣年少郎盈門喜氣爛生光鏡臺人地如溫嶠綾  
幃詞鋒數謝娘細認堂前真舅似試看城北更誰當闌干  
丁字無人詠特與燃鬚叙短章

紙鳶



陽氣初升勢尚微，紙鳶天半麗晴暉。原來全得兒童力，也  
會乘風高下飛。

和漢荀韻贈起雷

古鼎腹函牛，搢搢難獨扛。君才頗晚出，衆中建詩幢。斐亶  
不少休，口能吸西江。雒誦每數過，音節真淙淙。正如對君  
子，一見心則降。雅鄭齊奮響，唱酬不成腔。論文得詞伯，疑  
義相擊撞。君看春秋盟，不棄邾莒邦。

將伯苦每呼，龍文誓同扛。詞源當屬誰，願言隨麾幢。君才  
如潘陸，能兼海與江。我譬若細流，風激偶淙淙。重師忽壓  
境，早約舉城降。慎勿擅陽春，鄙茲下里腔。鐘鏞在東序，寸  
莛任相撞。騷詞繼國風，價重鄢郢邦。

雨窻讀起雷漢荀玉文御公酣字韻詩疊贈漢荀

黑雲壓湖湖不流，妖孛驕蹇興正酣。推窻偶向西北望，具  
區失却諸重嵐。散帙一覩衆賢作，嵇嬾忽起忘不堪。吾甥  
數首最所嗜，三百壓卷題周南。生平不自詫，能事手雖善。  
寫口不談意者善，易不言易毛鄭大指俱飽諳。馬陳諸作  
亦竒絕，一字妥帖勤讎勘。竒句硬語頗間出，苦吟撚斷鬚。  
穆穆當年謬為識，途馬此時但覺青於藍。愚菴入室有陳  
子，高唱白雪來明簪。靡旌欲摩屈賈壘，後倪突出驚哮虺。  
擬隨其後勉屬和，詰曲窘迫顏駢慙。妾將鄭衛敵雅頌，嫫  
姆態壓嬌姬慙。古人詞皆有根柢，江河屈注涓涓涵。何能  
手不持寸鐵，百萬一擲家無甌。每尋鄴架細搜討，譬如食



蜜中邊甘此語中繁誠有味務於原本窮咀含不然徒資  
人捧腹夢囈不覺聲喃喃雷霆風雨走筆下佳處定有詩  
翁耽新篇脫稿急欲讀須置詩遞馳封函

閩中蕭靜君以尊人侍御公死事未白日夜疚懷形  
諸歌咏將自吳入楚因作詩贈之以當驪歌

琴書漂泊古吳門每憶烽烟痛故園碧血孤忠猶未慰青  
楊舊業已無存誰當此日憐嵇紹更有何人作巨源若到  
郢中逢地主不須作賦弔湘魂

北歸同起雷謙六過禹九齋索飲起雷言去年話別  
亦在此齋作長篇敘述次韻奉荅

倦游返故里昏星值危中久與親舊別刮眼超阿龍造語  
必竒闢鑿開青濛濛下視流輩作一一皆蠛蠓未知古人  
內何地位此公吾家阿連健雲龍常相從但令就詩論亦  
足大吾宗于我並僚壻意氣由來同約為不速客于喁過  
垂虹沈子見我笑治具談離悰主客盡詞伯有作成一筒  
中原或並驅庶死誰雌雄借君放曠言澆吾磊塊胸我學  
少根抵亦如昨飄蓬每欲稍敘述詰迫屈曲窮去年冬五  
寒驪駒別匆匆贈處各數語淵由遂西東京洛變緇塵羞  
澀歸囊空况遭骨肉戚幽憂心冲冲發言如酒悲屢和難  
復工安得持寸莛而撞東序鏞倘恕溺人笑君其讀篇終

余在京起雷寄余詩未達歸見之而次其韻  
我弱好弄不好學堂堂坐送白日徂中歲若欲耽蠹簡如



食黃奶忘朝舖曾中多怪復少可與世鑿杓乖圓觚年年  
省闈似厄閨死守章句真鄙儒送人作郡時復爾路鬼掩  
口相胡盧故人憐我久失足挾之北走思南園與君連沐  
話久別出門惘惘迷津途縱使泥中免曳尾當患朽甲腸  
遭剗况復負趨少大力詭遇徼幸非吾徒君詩三復中吾  
病數語真足當醍醐安能媵媵諧世俗口語軟熟林稜摸  
指為怪物定唯唯更許牛馬從人呼迂愚萬難供世用長  
安看有此子無彼工脣舌并筆札亦僅蝸鸞非鵬雛粉榆  
決起人已羨會有矯翮搏風殊客歌式微吾首肯襟被竟  
裹青襪輸心懸魏闕豈吾分歸擬鍵戶江城隅前喆遺書  
共排纘不揣努力忘疲懦相對但嫌氣欲盡奚啻小巫見  
大巫有時長吟所改作撚斷頷下參參鬚忽然讀君所和  
什不覺形穢慙妖嫫詞源涓涓在何許濫觴浩浩成江湖  
重理前說意有在其餘藻纘皆潦汙生平頗自醜篋積何  
當拔去諸根株數年切劑賴吾友本領尚難堪嗟吁憂患  
中人復爾爾外物振觸能無虞落魄已類狂生狂駭豎更  
似愚公愚欲持樸學勉應舉五技窘迫簷端廳大慚文字  
吾未解賤價求沽尤難沽早知窮達有定分讀書謹隨君  
步趨有識但嗤食肉鄙猶有君我居菰蘆物色倘在牝牡  
內所見故吾非新吾君當直追雅頌作我亦勉強述作途  
古來瑣瑣不足道兒視孔楊騷命奴

寄馮補之先生



吾徒稱畏友欲殺奈人何  
偶貴衡陽紙旋興墨海波  
盡言傷國武指口戒驕坡  
亦有感時句從今不放歌

宿五桂堂東鄰鴉聲甚惡作詩示衷素

何堪來作宋鄰家朝莫啞啞語  
共譁恨殺扶疎兩松幹不  
栖鶻鶴只栖鴉

每為清幽愛汝廬頗遭此物聒  
庭隅羽毛縱復離襟甚不  
似丈人屋上烏

偶題

嫫母何當西子顰綺羅衫服不勝春  
生平敢與姬姜齒今日公然來作人

擬古二首

天地不荅施父母不謝生一朝窮返  
本金石開精誠何必申感激然後明至情

聖德萬萬古元氣相合并其民亦沕穆  
偕之大道行豈不念帝力欲頌俱無名

薛孝穆移家郡西之淶水園秋日招同婁東練川諸

子集謀野堂看桂得名字

故人喜在郡西城舊雨招邀聯袂行  
門對青山稱勝地

俱在郭西園依淶水得佳名詩懷半為秋容美酒興全從花氣清

爛醉欲題吾尚拙叢生好句定先成

題碧雲阿詩集後

骨月相將赴夜臺一編每自寫愁懷  
頻經霜雪貞松老未



到芳菲玉樹摧吟為悼亡真覺苦音緣變徵易成哀柏舟  
絕唱聲能繼不是人間咏絮才

鼓琴詩

已冬澄江作

安絃纔罷意泠泠指泛琮琤不暫停縱使知音今絕少也  
彈流水與他聽

澄江十方菴觀檀施為堂頭設供

每怪機鋒墮苦空也知擊扣有家風時賢但設伊蒲饌禪  
味何曾在此中

贈田間錢先生時方板行所著易學

欲向田間隱艱難問故丘江湖一老在天地百年愁復僻  
身終免西臺淚尚流

謂瞿留守也

飽經憂患後易學易研求

鼎革初余甫勝衣田間先生避兵吾里之震澤市兵

跡之先生夫人不辱死焉相見談及余猶能記憶  
其事賦此志感

先生蒙難日吾弱甫勝衣市畏魚羊影村憐雞犬稀磨笄  
完節苦剪紙客魂歸秉燭重談及卅年心事違

門人沈衷素錫宜移書訂余及陳宁維起雷入郡探

梅鄧尉

老為吳郡人鄧尉梅未覩年年欲探之期輒因他阻今春  
上元後節屆驚蟄序春風發古香怒茁萬萬樹沈子尺書  
來邀余看梅去更約兩陳生前期戒徒侶遙指梅花村為  
作東道主彼調既淒清我韻復閒雅美酒沽若村佳茗烹



顧渚揮毫吟小詩縱談出奇語人境兩幽絕此定梅所許  
聞之俱躍然意味融水乳荅書謝沈子為吾辦資斧相將  
風日佳維舟理游具數年結想間喜氣溢眉宇

郡中雨行薄莫宿唐灣

舟行天欲雨仰視客心駭雲衣翳諸山瀾漫香雪海此行  
意殊佳風雨誓無悔亭午日穿漏其勢卒未解陰晴總無  
定欲行氣輒餒好言相慰藉子慎無吾給晚見星月光高  
興齊百倍中道為宿留月中見崔魏明晨急解維梅花久  
相待

曉霽望見廣福

小雨晴甚佳風日尤覺美推蓬見塔光光福已至止緣山  
皆種梅如行香霧裏船窓嗅一回清芬偕卧起舟行須遲  
遲探梅自此始領取箇中微古淡韻無比山靈蓄秀英梅  
花覺根柢遲日發華滋穠艷寧復爾

同諸公上山探梅時大雨將至

策杖上山岡梅花勢方盛連宵風雨惡香氣猶未迸陳子  
愛花人視梅為性命沈子得其趣所至觸奇境翼余使之  
前佳處輒相請羣卉多清香此乃清之聖况復萬萬株連  
山盡輝映嗅覺鼻觀芬坐覺塵襟淨天風吹雨來未遂為  
梅病徘徊不忍去與梅有宿盟亭午倘開霽吾當額手慶  
雷雨大作遂疾趨登聖恩寺閣

芒屨初探梅雷雨忽大作雷能發梅性雨亦潤梅格同行



柳塘詩集卷十  
二三子一一能領略唯愁在中道泥途易失脚巍巍聖恩  
寺依倚欣所托顧視萬萬梅華清賜恩澤溼香飄欲旋烟  
靄薄梅魄雷雨應候來似與梅有約高春尚未止欲歸前  
復却梅花倘無恙飄搖良足樂

冒雨晚歸老友申斌為山莊留宿

冒雨歸山莊蓑笠猝未具上山所經行一一墮烟霧十步  
九顛躓意行疑或誤頂踵困濡溼衣裾水如注沿村多老  
梅焉能復回顧相去數武間覲面失幽趣意者天公嗔得  
無山靈怒為梅受佚罰吾復何所懼故人喜吾至慰問見  
情愫濯足具燂湯燔柴燥中履澆我塊壘曾一身漸和煦  
重話明日游佳境歷歷數

古柏行

雨霽斌為導往探梅謂余曰司徒廟柏竒古蒼秀  
數百年物也曷先之因共摩挲其下為作此詩

司徒廟柏蒼秀絕萬樹梅花所融結雪打霜欺不計年崔  
嵬枝幹皮皴裂其餘數株質差小勁姿竒屈風塵表亭亭  
離立廟門西香雪漫山共昏曉萬卉春妍待花信只許老  
梅稱後進摩挲蒼皮嗅古香風格孤清自相親筍輿畫舫  
興飛揚一春早為探梅忙笙歌鼎沸村塢裏都忘柏是丈  
人行

馬駕山

鄧尉絕勝處馬駕稱最尊高下數里間羅列諸梅村天公



蘊清氣散落在丘樊和風吹衣袂盈袖梅精魂一望白雲  
海但無波濤喧或云妙香域國于梅花原二說互讚歎我  
亦幾無言清芬自其性初無有濁昏參差億萬樹一一同  
本根我家自梅里日久簾子孫祝渠萬萬古與茲山並存  
早船即鈍翁所題雲壑藏舟處

築室似舟形乃在梅花墅夜半大力者勢難負之去清芬  
無人爭任客自領取掘地十餘弓臨水照數樹拄杖過板  
橋編籬柵梅渚棹彼書畫船回沿在何許船頭甚爽塏山  
色堪延佇推意見清影欲呼梅與語舵樓面山陰諸村紛  
可數似行花香中仍不離故處少陵草堂成水檻恰當戶  
牽船住岸上思光足容與惜無繞屋梅幽趣十減五偶坐  
為梅花莫問居傳主

登申提學墓從山路至石樓

申墓勢斗絕拄杖方得上憑高聊縱觀所見非一狀數山  
浮湖中葱靚若畫障梅花在脚底起伏異背向松間得細  
路凹折窮所嚮忽然見疎豁竒境兼奧曠微聞午鐘鳴嘈  
嘈來梵放乃臻石樓頂把茅絕塵埃一僧初白頭止觀學  
坐忘梅非無隱香鼻觀參未妄

萬峰臺石

臺在石樓側壘石如甑甌風雨所剝蝕竒古長蒼蘚癖宜  
米老拜品中竒章選梅石相與友莫逆勢稱善彼將勁質  
呈此得幽姿顯撫石復看梅其味真永雋酒從石丈傾詩



對梅兄撰結伴來山中高興良不淺獲此二友歸莫笑足  
重繭

登萬峰臺望太湖

憑高望山椒爛熳如積素高下四折處動輒與梅遇舉頭  
見太湖喜欲留人住山色皆青蒼晴波薄烟霧與梅遙接  
連觸境了非故濤聲卷雪來湖光都在樹柔風旋欲迴香  
氣浮湖去水色與花光此各天所賦偶然兩相遭未必遂  
乖迂問誰為此言先生寒餓句

潭西

潭西在平野乃是梅花域曲折逕路間是物皆充塞蒼幹  
怒生癭擁腫生鐵黑柔枝綴花繁其數千百億梅花孤高  
姿頗有君子德綽約如佳人幽閒不穠飾又如乾竺僧生  
在衆香國舌根吐芬芳仗彼人天力香性薰聞修微妙無  
人識托根偶得所種類漸繁殖百卉發春妍青紅應候得  
梅花謝成功退處無慚色明春當復來知我常相憶

董墓朝元閣

屈指生平來壯觀寧有幾門人約探梅興致甚疊疊冒雨  
登山椒大略正復爾今朝辨芒屨誓欲窮其美馬駕與潭  
西令人歎觀止餘村亦絕竒都非意所揣薄暮歸山莊餘  
興猶未已各云董墓佳其地又密邇登閣聊一望所歷皆  
在彼轉境忽大殊何得遂無此閣外數十株婀娜春風裏  
譬彼鄧林材一枝亦足喜



曉發玄墓遂步至虎山橋登舟

清晨理歸棹少任意欣躍梅花如故人別去情懷惡連日  
困登頓日敗雙芒屨予不竟忘勞吾知此遊樂緣山帶餘  
香殘梅亂籬落憐吾愛花人梅花作精魄力疲寧不知見  
梅旋放脚譬如強弩未興高勢未弱山橋共登舟意致殊  
寂寞回望神黯然與梅參商各

聖恩寺四宜堂雙桂歌

鄧尉山傍太湖水爛熳湖光十餘里看梅山水亦並佳萬  
樹清香在眼底誰知四宜堂中桂兩幹扶疎障庭際人言  
梅桂與桂梅只如弟兄與兄弟道人手植堂西垠萬顆金  
粟秋艷新經聲梵吹不知數薰染佛性為精神探梅逸興  
苦未道八月又欲維輕舟天公正恐兩賢厄令梅擅春桂  
擅秋桂護庭陰梅繞屋天遣花神媚幽獨更憑畫史寫作  
圖一幅山水殊不俗

御筆松風水月石刻歌

榮光熊熊動牛斗南巡共頌明明后鄧尉山神伏道旁  
也似嵩山呼萬壽斗杓正值東蒼龍一望梅村指顧中更  
賞湖山清絕處無過水月與松風揮毫結體大於掌行間  
隱隱昇平象法施留與鎮山門六丁擁護諸天上山僧雙  
鈎為郭填運刀竟向青瑤鑄陷入正中聖壁上壽與茲山  
同歲年壁間夜夜發光芒認作毘邪最吉祥定於風月佳  
辰候散作梅花萬樹香



贈斌為

移家來住太湖陰小築茅齋倚碧岑天恐先生厭穠艷只  
將香雪裏山林

從黃花徑入穹窿

往者歲丁卯讀書此山莊花徑始發足紆折登山岡遠望  
皆在目意愜神飛揚漸聞涓涓響泉聲如笙簧欣欣向榮  
候林木生芬芳高墓植松檜扶疎各成行導泉至其下方  
幅成陂塘拈花多古木一一皆青蒼湍流勢衝激積久泐  
石梁積翠竹萬箇寧邦杏千章佳處各領要日夜良難忘  
今朝理游屐足力猶甚強恍如遇故物已失幸復償記憶  
緇素游姓名略能詳但恨別數載已不無存亡生非金石  
固焉能不盡傷山莊定無恙題詩猶在牆某石與某樹昔  
之所徜徉其餘諸幽絕貯在舊錦囊重證以遊目初不異  
豪茫同行語多妙吾軍殊足張抽思共敘述直欲迫子長  
與茲山不朽語亦非荒唐會當同鄙作刻在山之陽

梅莊遇主人金醇還令嗣自岳

憶君昔營葬其左築丙舍堂寢在高原一望如臺榭庖福  
亦楚楚里第此其亞雙桂障庭中雜花迸石罅傍修小園  
子壘石層巒下編籬柵梅花殺竹支藤架松濤屋後吹珠  
泉門前瀉讀書喜山居從君乞消夏朝看嶺雲飛莫聽啼  
鴉啞蒸茵類寶釘焙茶勝帶胯幽賞愜平生此福君所借  
今年約探梅籃輿旋馬駕共將鄧尉誇亦指穹窿詫結伴



東坡言集卷一  
重來遊值君出門迓指點泉石間一一含蘊藉我如遇故人客似聯新姪苟非漫山梅茲山定當霸俛仰陳迹間猶如觀物化宜攜秋卷來再銷夏日暇春山勝佳人春景同美炙君如首肯之吾將琴書卸

拈花悼堂頭研雲和尚

讀書茲山中研師乃禪友煮餅相招邀勝如剪春韭吾非學佛徒禪語常在口謂為莊列精師言獨唯否不如淵明詩十可得八九此語吾未喻理亦所或有記取他日來機鋒相擊扣別去五六載師骨已將朽夜壑負藏舟形骸豈能久回思往復言真如墮句後齋廚亦蕭然檀施望而走唯有門前樹行行雜榆柳唯有橋西流琮琤注清澗中存研雲師與茲山同壽盛衰乃世情佛法了不受九原聞吾言師兮定肯首

積翠菴竹歌

山僧止觀如蟬蛻把茅蓋頂傳衣大恍疑住在青濛濛門外蕭森三萬箇鰕生不識佛原委看竹王猷愛徙倚共詫山中有故人細認長身衆君子別來六載曾無恙干霄迸石山椒上焚香習靜意翛然相對無言復相忘陂陀山角小幅幘至此真堪號綠天試看刻竹題名處入林把辭誠何年臨行復坐又移時擊竹因緣知不知直待籜籠驚茁後同叅玉版是吾師

法雨泉歌



穹窿雨泉吳郡少狀流紆折涓涓小窮源數里登山顛樹  
底琮琤韻昏曉此泉流出真竒觀大小明珠落玉盤以琴  
寫之或不盡鏗鏘泛指鷲回湍昔年阮公視書暇高下滌  
洄動相逐大得禪家水觀微冷然渾欲忘消夏重遊勝境  
苦未窮水簾小似香爐峰臨流撫掌忽大笑芥蒂再洗平  
生胃管領茲山有禪侶遂使名泉標法雨儒家不道無味  
言也有活水源頭句

以詩請起雷作詩

下筆青丘最有神梅花九首意清新此翁死後無佳句獨  
許君來作替人

梅花爛熳老山樊覓句何須復閉門關險翻新能事在暗  
香疎影盡陳言

老幹柔枝花態新工於體物是何人君家舊有詩中画向  
背陰晴總逼真

不得起雷詩遂自作二首寄之索和

竹杖芒鞋有底忙也隨年少踏春陽青紅百卉俱姣好只  
有梅花最老蒼  
久知况味近酸寒索笑巡簷覓句難囊底若無佳思在梅  
花也自厭人看



柳塘詩集卷十一

詩一百四首

和起雷飲酒詩兼用其韻

風日佳時客欲來糟牀初注滴泔泔酒兵若健真無敵觴  
政如苛定不諧騎馬流涎驚灑灑聽鸚聒耳喜啾啾也知  
焦革生堪配未至劉伶死便埋煨芋嬾殘堆榾柮燒豬佛  
印罨茅柴不妨下酒無他物但喜吟詩有美懷燕市人豪  
難作友浣鄰伴好孰為儕醉鄉要比甜鄉適小戶還須大  
戶偕偶借尊壘消魂磊幾從麴蘖覓生涯自誇老子醒狂  
好人道先生禮法乖欲罰巨觥嫌量窄堅持嚴限被人排  
乞靈歡伯愁無那欲築精丘未有階甚駭長鯨聲吸海亦



奇浮蟻勢如淮村醪甜濁形容惡名酒辛清氣味佳強欲  
拘攣非道學佯為放達類優俳留髡醉後扶頭坐肘甫泥  
時睡眠措敢謂糟醲為性命也須土木視形骸獨醒恐被  
時賢忌老阮沉冥君我皆

寄家旭初覲文

杜陵遺誠在多師何意吾宗並見推馬到識途真已老駒  
當汗血最稱奇自慚樸學無人愛深幸師傳賴子知從此  
門牆增氣象佇看二妙謝青時

鄧尉水仙最盛而為徃歲冰雪所困遂不復植石壁  
峰勢蒼秀以迫於歸期未遊也三英以余探梅詩  
未之及遺詩見訊賦荅

鄧尉探梅實壯觀衝泥芒屐儘盤桓花繁竊喜香中住山  
好能從秀處餐石壁未遊真蹉過水仙無藥不曾看明年  
更約詩翁去不許山靈笑眼瞞

送窮

消息循環理定然五窮歸去在今年臨行莫更為留計分  
付奴星縛草船

送春寄友

共徃城西去送春畫船虎阜隘通津東皇不管君憐惜只  
許人間住九旬

屺瞻作玉文四書文序推獎踰涯慚愧交集作詩奉  
寄凡四首



京洛風塵欲化緇，懣騰曲笑不多時。苦無才思驚流輩，未到坡公不合宜。

祖道江干興未闌，軟紅塵土足蹒跚。谷生筆札樓生舌，不入春明不覺難。

故園節物足徜徉，枉役勞薪住帝鄉。若較尊兄輸一着，竟無人道中風狂。

歸來未便隱鱸蓴，秋卷重溫歎此晨。一味癡頑今漸老，又將習氣誤門人。

姑蘇竹枝詞十二首 有序

睢州先生薨已六年，而吳民猶謳思之不忘。余因采其語韻之，取其俚而易曉，當令善歌者叶之，管

絃以當迎神送神之曲

鄉間刁民不告狀，城裏頑戶肯完糧。共說官清民自樂，湯都堂勝海都堂。

兒童沸沸復揚揚，今日差官拆上方。如此神靈都不怕，小民那得不馴良。

一生樸素孰禁當，魚肉家常飯未嘗。連日衙門送供應，混名合叫做清湯。

奢華習氣遍城鄉，連歲無人肯艷裝。繡作墨彈俱歇店，鄉紳家著布衣裳。

皇帝延師事異常，蘇州陞去好都堂。昏殺城門留不住，一時流淚萬千行。



處處鄉民手執香人山人海沸官塘臨行分付無他話做  
箇良民報 聖皇

都堂臨別淚浪浪抵死吳民不忍忘第一 御前須奏請  
蘇松兩郡免浮糧

更有忠言進 御牀好官薦箇做都堂不是清廉陸嘉定  
自然正直郭吳江

生祠造在學宮傍歲歲鄉民來上香不比虎丘山下過說  
長說短漫論量

忽然聞訃各悲傷會哭真如考妣喪

吳民死去見城隍活活湯公坐在堂甦後豬羊來祭獻紙  
錢不用但燒香

龍圖公案語荒唐千載而今尚未忘更有總綱傳唱本鎮  
靈山戲演當場

題仕女圖十一首 有序

古女史所誡女子以酒漿絲枲為務未有若斯圖  
之間冶者也因悉如其畫作詩題之俾觀者知所  
做焉

一番風信報初春兩樹生香最絕塵記得蘭成詩句好今  
朝定有詠花人 探梅

淡妝綽約不勝情獨向空堦靜處行忽遇素翎丹頂客兩  
般風韻一般清 放鶴



玉樹亭亭花半舒石間安坐倚扶疎侍兒報道茶聲沸猶  
是支頤把道書 烹茗

慵來無力困春風亭午時時輟女工小婢欠伸如入夢化  
為雙蝶戲芳叢 倦繡

菖蒲茉莉俱含碧榴樹葵枝最發紅尚有兩株香玉在採  
花種卉泛和風 端景

侍女採蓮碧沼上女郎擎蓋綠陰中兩家顏色如花好可  
愛深紅愛淺紅 採蓮

滿庭秋色襯苔莎大婦吹簫小婦歌手把扇頭敲作板淒  
清愁思曲中多 度曲

綠竹紫薇秋艷新也知此日最傷神一腔幽怨憑誰訴教  
得鸚哥會罵人 調鸚

忽聞庭畔不平鳴葉落梧桐金正行不是樹間頻浙瀝如  
郎指上泛秋聲 彈琴

松風蕭颯暮冬天黠婢憨生放爆便不覺拋書身略轉暗  
驚顛顛入新年 放爆

節近嘉平花事疎几窓明淨稱閒居閨中亦有冬餘課茗  
椀薰爐讀史書 讀書

承起雷右序三英以詩見商因題其後  
句法清新妙入神連篇觸目盡奇珍但將前輩遺言印叔  
氏何曾禮許人

述婚詩贈右序



南山有鳥字鷦鷯又見明粧啓鏡奩重向燈前溫昔夢莫  
將舊素比新縑

山光明媚水蒼蒼齊女門邊麗景長無限春風吟好句盡  
供才子和催粧

性癖呶唔只自如婚時曾不廢居諸等身著述新編入幾  
帙東萊博議書

結襦十日別情牽共盼邊生腹笥便不比明河纜一昔鵲  
橋判袂動經年

晚春小雨郡西道中

晚春一棹郡城西烟艇迷離罨畫溪淡墨雲從山寺迴蔚  
藍天傍水村低柳邊鶯欲留春語樹上鳩頻喚雨啼已近

祝融司令日化工于此露端倪

遙望湖山意惘然三篙水漲足回沿微風細把鷺黃盞小  
雨輕浮鴨嘴船好語喜來鳴鳩候離懷愁對落花天不堪  
理檝吳江去林木青紅又一年

自題探梅詩後

詩中疑見雪皚皚無事吟哦日幾回十里山岡香未了株  
株俱帶墨痕開

與陳起雷趙舒文過飲徐檢討齋論詩敘舊兼訂山

遊

促膝深談今昔蹤論文沽酒興偏濃漁樵江渚君將老旗  
鼓中原我便從郊島遇如元叔鳥嘉隆詩似葉公龍湖山



早有聯吟約為洗平生芥蒂曾  
蕭齋會最慰離蹤諸子同過談正濃佳句苦掀髯屬和好  
山高著眼相從笛風月候宜孤鶴腹尾頭成是一龍良友  
勝遊須我在朗吟能稍豁心曾

近事

神功聖德讐窮荒猶厯 宸衷讓未遑雜種自來咸內附  
本朝曾不設邊防大軍尚覺愁輸輓小醜何能便陸梁若  
使屯田充物後儲胥應許植巖疆

三朝日蝕事非常史策流傳有舊章天運自然成氣數  
聖朝能化作禎祥賀朝罷免非無故修省勤加更有光竊  
喜廟堂誇盛事譬如水旱釐堯湯

宣公正色曉垂紳 聖代原須有直臣論事不妨辭激烈  
敢言還藉膽輪囷蹇驢去國真成是鳴鳳朝陽有幾人丹  
地昔年廷諍日一時物望並沉淪

大漠強宗作國藩中朝曾許世為婚鵠歌無恨彤廷遠龍  
塞應春毳帳尊大異和親書竹帛只如尚主奉蘋蘩沿邊  
夙有維城固奕世猶稱漢外孫

巖廊客似絮沾泥彼此焉能無町畦共恨南衙人叵測須  
知北寺獄端倪宦情近日歸豐沛黨論當年起越齊只有  
知幾歸策早故園何異武陵溪

緇塵化後盡歸田抵死難忘灰復燃田竇相傾何未已孫  
劉雖罷不無權杏花春雨詩中景萼菜秋風世外緣消得



此時間領略幽情不到達官邊

此生那便免飢寒南北民生力並殫每遇流民安儉歲喜  
聞酷吏忽遷官何曾輓粟為平糴未必贏金可當餐贏得  
兒童驕項領相逢不覺慶彈冠

沃壤無如樗杜田蝗蝻一罹即顛連救荒奇策頻諧價憂  
國詩人願稔年汝輩豈宜思倖進吾曹只合避時賢恩深  
聖主同天大暫為斯民累柄銓

登鄧尉山望漁洋玉遮諸勝

蠟屐一登鄧尉顛山光水色相鈎連漁洋小小烟波景雄  
視湖中或未然

每擬登臨興欲飛浮嵐煖翠山輝輝玉遮曲折紆迴處還  
得畫家象外微

漁洋意欲凌丹霞玉遮亦自饒奇葩平心試論兩家妙未  
必漁洋勝玉遮

我欲取道玉遮境更為一望漁洋山要尋山水絕佳處短  
策輕舟時往還

錦帆

蕭管樓船郭外行江都雖好夢何曾錦帆只愛湖山勝能  
為勾吳管廢興

俞犀月顧有常徐大臨何屺瞻徐成裕顧虞珮俠君

偕飲張日容齋

三間老屋學宮偏折簡招邀逸興遙北郭才人俱舊侶東



禪林木宛當年凌晨豪飲橫經坐亭午清談流水邊塵尾  
頻揮杯竿竭一時主客足周旋

即席贈張顛三

抵掌掀髯意氣雄何時虎嘯坐生風從來張姓連天上未  
必星精非此翁

風雨懷三英池塘小齋

老夫思訪戴鼓棹過池塘夢草吟偏穩臨流坐欲忘風聲  
孤塔迴雨勢古樓荒繞郭無多里斯時覺阻長

周公瑕四雨樓  
在齋之左故有

重懷鄧尉探梅之遊示衷素錫宜

五岳何須去茲遊最絕倫梅花似君子山色屬幽人名酒  
辛清味新詩澹遠神回思無俗物欣賞稱家貧

雪灘

雲亭載酒枉江湄卅載騷壇人共推長愧阿蒙愚且魯此  
翁詩學不曾窺

懷書年并州

之子并州去艱辛集一身少陵長作客王粲尚依人令弟  
狂逾甚賢郎詩近新歸來試相對應不厭清貧

題潘氏梅野小築

高齋築罷面城隈滿徑孤山妙種栽幽雅不嫌無客到寒  
香竊喜為君開哦詩繞樹常三匝把盞巡檐日數回應是  
前身林處士梅邊定有鶴飛來



詠史

此身似逐野雲飛，猶夢東華未息機。  
資放若緣封事罷，斷無人道被讒歸。

天語咨嗟歎直臣，歸田猶自困信信。  
若云此舉為公論，千古西山是小人。

深感提攜一日恩，那知比擬必須倫。  
鴻飛遵渚歸無所，只許姬公當此言。  
時賢以是詩媚其所事故落句及之

吟盆池小金魚

魚種形如蟻，蟲微盆池長養色。  
晶輝只如年少登朝客，纔脫褐衣便賜緋。

三英折簡招邀起，雷漢荀玉文自江城。  
余與右序自齊女門同集，池塘小齋連宵風雨詩酒談諧致足。  
樂也因敘述之呈諸公一笑。

薰爐茗椀雜杯鐺，諸子蟬聯過郡城。  
一棹烟波曾不遠，對林風雨若為情。  
筆端鬼語還仙語，觴政奇兵復正兵。  
更遇談諧佳勝處，時時大笑絕冠纓。

德光堂讌集

每過花橋里，登堂一听然。  
君能恕謬誤，我樂與周旋。  
主客歡常數，酒杯寬定賢。  
食經有方法，不必復加邊。

有常有異味，必折簡招余為賦二首

何須大嚼向屠門，每為郇公數過存。  
怪殺溪南辛老子，一生美食不多番。



從來不羨五侯鯖只與良朋共酒鐺君亦幾曾留俗客每  
嘗珍味感君情

北禪寺

林木青紅曉暮鐘風聞捨宅此遺蹤禪房大有寬閒地何  
不祠堂祀戴顓

雨

淡墨雲從出岫升朝風吹雨勢憑陵聲聲滴入愁人耳乾  
鵲暗鳩雨不鷹

雨窓獨坐省逢迎底事梅天不肯晴老子原無翻覆客莫  
從今舊論人情

起雷右序荆山熟於聲韻作此寄之

太古元音定不亡也須神解妙評量葩經三百遺篇在更  
有何人識樂章

近代何人復擅長那能滿口嚼宮商南陔原自無文字枉  
著詩翁去補亡

東南才子富青緇疊韻雙聲尚未詳義理勝時音律廢齊  
梁格調亦俱亡

金元詞曲韻悠揚南北歌彈有舊章俗樂若堪通雅樂定  
能分剖析微芒

評點元遺山詩竟題其後

生值金源事可歎一時詩句冠詞壇中原人物無郊子能  
使尼山去問官



東周禮樂燎鴻毛。桺闔縱橫氣象豪。十五國風長已矣。後人能不重離騷。

醇還中舍修法雨泉寄題

山顛高下勢滌洄。時為琮瑋聽一回。世上濁波流不盡。此泉莫放出山來。

示漢荀玉文舒文旭初覲文

詩能得髓許登壇。琢句愁於隻字難。試看身輕一鳥下。始終不似少陵安。

語意天然絕町畦。昔賢寶貴過懸黎。道衡昔昔鹽中句。只有空梁落燕泥。

大娘劒器絕寰區。曾有顛翁筆法無。句到陶韋平淡處。始知詩外有工夫。

眼處生心自一奇。遺山此語古今師。滕王閣句黃樓賦。不到登臨妙不知。

感昔追悼董司業

衝寒策蹇入長安。自分迂疎託足難。不料龍豬相關絕。感君猶作故人看。

僦居僱僕住長安。欲得時賢一盼難。我亦能輕裘馬客。不將君作達官看。

書唐才子詩後

草草箋疏便板行。管窺全失古人情。非無數語堪存論。渾似莊周註郭生。



夏日郭外雨行

驚雷天半掣金蛇一棹夷猶景未賒  
綠樹烟低村落暝黑雲雨過郡城遮  
陶曾次流唐句歷歷圖中屬米家  
自喜此時能領略歸來不向外人誇

自信

明知骨相近酸寒賦性迂疎入世難  
舌本不妨三日強胸襟能得幾回寬  
讀書矛盾生經傳飲酒槎枒出肺肝  
此意時賢渾不識憑他只作腐儒看

北禪寺前園亭

北禪遺刹近千年南去青蔥勢鬱然  
不是池亭頻易主此時不覺戴顛賢

拙政園山茶

百卉青紅未滿枝山茶一樹早歲蕤  
縣官沒後花無主腸斷梅村七字詩

馬路橋眺望歸題李聲昭別業

郡北門名為望齊吾徒於此卜幽棲  
門迎婁水閒雲過屋背武丘落日低  
兩塔勢雄城內外一橋徑別匯東西  
董帷偶為窺園出也入奚囊得句題

偶題

讀書中秘典文章麗句清詞合喬皇  
却被牽連傳好語中書楷法太醫方

書黃戶部尤檢討詩



閒將筆墨畫虛空未脫時賢窠白中可惜文情俱雅健石田不學學習公

惜之

戶部有將就園圖序詩蓋神樓化城也又有與程孝廉光裡西湖大戰詩筆力雄健然都非實事鑿空画鬼反掩其才故篇內

近代誰追正始風酉陽雜俎世云工凌雲 天語誇榮遇今古詩家無此翁

繡行遠集寄岷瞻

卑靡都無慶曆風別裁頭腦苦冬烘書生一昔迂疎話闌入朝家黨論中

見王用儀近詩甚得溫李風致寄之

豈同月露與風雲穠艷中多感托存君去試窮溫李派馮家父子似西崑

謂定遠補之

寄起雷右序三英

欲將涇渭辨清渾可少諸君與細論氣體不宜時代壓波瀾須討雅騷源古人一字真難到吾輩終身未入門此事相期各努力師承合有典刑存

書探梅時所見

弓刀毳帳耀湖湄雜遝從奴夾道馳萬樹梅花清徹骨此君俗病不能醫

蜘蛛

莫憎饕餮似貪人小了蜘蛛亦絕倫網盡蠓飛蟲萬輩自誇滿腹貯經綸

董文敏書畫



落筆飄飄渾欲仙每翻卷幅意超然董家詩畫書傳去二絕猶能似鄭虔

郡城遇孫莪山檢討

何由十載重君名嘖嘖汪何二友生况敘通家如孔氏更驚齊語帶吳聲博徒未必非知己鄉裏無須與抗行珍惜故人推分意枌榆舊社有新盟

柳塘詩集卷十一

柳塘詩集卷十二

詩六十四首

讀遺山題中州集後詩

汴宋衣冠付劫灰臨安文物亦雄哉莫道蘇黃詩筆法不隨南渡過江來

一代詞人孰積薪涪皤陳語肯相因石湖冲淡放翁健可是西江社裏人

西銘易序典謨還千古才人杳莫攀一向斯文論華實晦翁能敵百遺山

戲書制科某公稿後

近代文章夙有聲前賢槩獲筆崢嶸誰知韓偓傷心句強



半和凝為嫁名

明妃曲

連日讀遺山詩感而賦之

寂莫穹廬歲少春琵琶哀怨古誰倫  
明妃遠嫁呼韓去終是中華絕代人

賦得

冠

運值桑田海乍乾簪裾俱作昔賢觀  
白胎草織圍成屋紅緯絲縹覆似繁  
纓欲結時風近古角思墊去雨偏難  
順時久已遵王制此亦中朝劉氏冠

黃楊

三尺黃楊植砌邊每逢閨厄意淒然  
憎他長大非樑棟枉似豫章生七年

暑

何處能忘暑蕭齋傍茂林喬松千頃  
蔭高柳一池陰午榻唐摹帖晚調雷  
斲聲宵中殊有味不使暍氛侵

何處能忘暑無何亦有鄉但須遊混沌  
定復到羲皇酣覺容書味醒渾滯酒狂  
欠伸驚坐起斜日在東牆

夏日偶書

炎景微張欲鑠金閒居兀坐滌塵襟  
聽松颯颯來幽韻看竹蕭蕭長道心  
新句夏雲竒益變外篇秋水味堪尋  
吾徒隨處能閒適何必入山愁未深

太真出浴圖

淺絳羅襦玉雪娘嫣然出水試新妝  
容顏共道荷花似恐



染淤泥更少香

熱甚題壁

寒燠乘除各有宜  
北窓半月少涼颼  
吳民近苦炎威酷  
多恐天公未備知

睢州言金

家狀人疑有諱辭  
被讒始末孰書之  
平生執簡能無愧  
此是中郎有道碑

樹色

以下四首俱用邵二泉韻

靜對山林晴弄暉  
蒨蔥樹色是耶非  
晚垂水際連村遠  
午漏日光穿徑微  
每愛遙青侵客坐  
忽疑空翠滴人衣  
敝廬修有閒居樂  
莫為塵鞿緩緩歸

花香

二十四番花信風  
株株開遍徑西東  
叅耒鼻觀渾非妄  
薰得聞修不墮空  
拂拂琴書生韻動  
飄飄几席夢魂通  
花神夙有平生約  
長滿迂儒欄檻中

鳥聲

寂莫幽齋真可憐  
聲聲啼鳥到窓前  
但將現皖好音至  
莫把鈎翰惡語傳  
最愛名流攜酒聽  
忽驚香閣背花眠  
近來雅調無逾此  
百轉間關勝管絃

鶴舞

素鷁丹頂似名流  
鼓翼昂頭池館幽  
鸚鵡態容曾不屑  
柘枝姿制更何求  
雨餘旋折當亭午  
月下翩翻驚早秋  
支遁



安禪和靖句並能作伴老歸休

塾中聞蟬

北窓閒卧被蟬驚不住堤邊高柳鳴若識前身齊女化此  
間應咽兩三聲

同諸子過深栖菴納涼

同過蘭若避炎曦老衲相陪坐少時清簟疎簾宜對奕茂  
林修竹喜題詩關關山鳥驚人逝活活溪田上水遲聯袂  
納涼君莫訝鈍根無復叩三支

暑甚

雲衣如燒曉崔嵬亭午蟲蟲勢轉哀縱使繩長將日繫也  
宜蘋末候風來憑誰一帖清涼散滌我三焦熱惱堆赤脚  
層冰曾未踏息機摧撞壯心灰

應之有僮曰傳郎孫檢討見而調之避匿不出坐客  
為之哄堂因作詩呈二公

秀眉玉頰影頎頎欲感山枝意尚違上客有情蒙繡被主  
人無計強青衣偶然遊戲聊為爾相與談諧興若飛老子  
心腸原木石閒情賦罷托辭微

塞上曲

安得胡塵靜不囂儲胥萬里接全遼雲邊數騎閒吹鹿塞  
外獨身去射鵬蕃息阿墩春草茁氛祲兀魯日光銷請纓  
不少終軍輩無復外憂煩 聖朝

初秋蒙鹿皮踞地作鹿鳴誘致羣鹿者為吹鹿又一阿墩牧牛百頭

羊七百頭今張家口外及奉天州縣俱有



伏機

伏機誰識犯人思老子鯁鯁過計之犬馬也知惟立戀牛  
羊安得用人為禍生肘腋誠難測怨入肝脾大可危此語  
迂愚渾不省好還天道互盈虧

雲雷大作望雨不至

盼殺滂沱不放晴朔風颯沓帶雷轟太山日日與雲雨却  
遇龍工嬾不行

杜門

憔悴年來鬢漸皤杜門謝客興偏多風琴調逸諧宮徵香  
篆文成變蚪蚪事遇怪竒常快意句逢警策便高歌齋中  
亦自能閒適歲月而今易耗磨

讀起雷遊西湖詩因憶昔年客杭錦塘天竺時蠟屐  
往來遂題七言寄之

憶昔餘杭客興濃錦塘天竺有遊蹤段橋灣似初三月鷺  
嶺飛來第一峰何日紗籠題壁句幾曾飯後聽齋鐘明年  
重理看山屐襍被奚囊肯便從

夢遊東中溪山有松風水月之勝醒而紀其事

徑入無何恰二更溪山佳處也移情月流川底如天上風  
入松間變水聲醒後追尋俱惆恍夢時領取甚分明東中  
真有希夷境五泄天台好問程

上沙

久因高尚遂沉淪一念君親血性真亂後但書前甲乙山



深只著古衣中微憎薇蕨非吾土不畏龍蛇厄善人先生止存一屏

孫相五十年來堅晚節王裒嵇紹不同倫

鑿坏却幣望輝輝老我桐江舊釣磯前代幾人遭鼠嚇此

時有客羨鴻飛君房賣菜書誰答睢州先生造訪閉門不納又督學諸城劉公書幣為候不答正

則沉淵淚尚揮文靖效止水之義弱冠入山今耄及河清難俟願終違

秋夜讀書感作

客引祥琴淚暗橫勉尋廢業坐深更寒燈一穗光芒閃秋

卷重緇句讀生咀味詩書皆故物貫穿今古薄時名偶因

炳燭思先子蟋蟀年年懶婦鶻先子常以古人炳燭之語勸學

聞洞庭荷花之盛不及往觀悵然賦詩

卅里芙蓉欲去難兩山帶水儘盤桓田田一望真奇絕馥

馥滿湖實壯觀鄧尉梅花俱放白莫釐楓葉盡舒丹差能

鼎足誇吳會可少詩人鼓棹看

早秋涼甚題壁

坐困炎威腰減圍蓐收小雨暑將微夜來勉理青燈業曉

起驚添白苧衣牛女渡河期覺近鱸蓴帶水夢先歸步兵

夙有江東興不為秋風慕識幾

無題

丰韻娟娟鶻欲仙疎簾曲檻畫屏邊微風楊柳腰肢弱出

水芙蓉顏色鮮芳意忽通知紉蕙中情宜察只懷荃離騷

大有風人致彼美西方句並傳

滇黔亂後不得鑿濤書問近聞其移家南下欲返武



塘今已卜居常德作此奉懷

萬里思歸愁未歸武陵卜築息塵鞿全身亂後名  
美回棹湖南願尚違繞樹鳥飛三匝定隨陽鴈過數行  
稀題衿舊作頻緇閱落月鷺疑夢甚非

讀南邨鐵崖諸老事蹟

即看起陸發龍蛇天道茫茫甚僭差此日英雄俱種菜無  
多君子去看花植麟狀貌徒為爾畫虎功名恐尚賒只有  
海東乾淨地經鋤穩老舊生涯

示從學諸子

柳塘老子儘癡頑小草功名屬等閒便腹摩挲當飯後壯  
懷輸寫在杯間坐窺揚子玄中語卧看宗家壁上山悟得

平常心是道莫愁徑路絕躋攀

荅友

吾生未合厭清貧滄海橫流要此身去去青山還似舊星  
星白髮忽驚新張儀舌在難干主聶政親亡未許人樸學  
自慚無處售敢云遵養學沉淪

七夕

良辰顧影舞傴僂纖月初高面漸醜銀漢有波無客到黃  
姑因巧貫錢多庭堆瓜果憑誰乞腹暖詩書只自哦最笑  
蜘蛛小人態也緣底事被嘲訶

秋夜獨坐月色甚佳起立中庭感而有作

坐深乙夜色輝輝起立中庭識靜機朗月高懸真似鏡做



雲欲綴不成衣。姮娥竊藥身。終寡河漢乘槎計。總非誦讀  
映窓多感激。不因時命數。歔歔。

小飲至醉。偷兒奄至。室無可取而去。為賦以詩。  
曾無負郭已。年年公等如何。未見憐生計。只須傾白墮。傳  
家併少昔。青氈一庭明月。為長物。滿榻清風。值幾錢。此處  
諒難趨負去。呼僮重把。槿籬編。

學山姪入郡。驚聞茅齋。臣訃音悼之。

初聞微疾。卧牀頭。小阮驚將惡語。郵妖夢。幾曾呼起。起此  
生何忍。便休休。尊公永訣。公車日弱。弟傷心。薤露秋重。憶  
昔年京雒。去西河。老淚併同流。

同起雷有常。漢荀玉文集。雒生。蓉江寓中。

秦生不見已三年。相遇蓉江意暢然。有子不愁無地主。此  
間深喜集群賢。一時臭味如醇酎。竟日談諧比惠泉。後會  
未知何處是。明春擬踏錫山巔。

懷楊可師秀州幕中

獨坐高齋有所思。故人聚散渺難追。屋梁此日頻驚月。斗  
酒當年共聽鸞。入世願如完趙璧。依人情似寄生枝。何時  
會合稱無恙。互喜衣塵未化緇。

冬日同武曹右衡。虞佩荆山俠君。天孫至虎丘。送有

常日容玉文公車北上

連袂河梁話別離。朔風獵獵正侵肌。請看計吏登程日。又  
是旗亭畫壁時。驢背雪殘休蹉過。鱸鄉尊老最堪思。臨期



好語無多囑莫為風塵染素縑

悵然

已是秦廷十上書故園粟冽悵居諸衰顏帶酒如楓老短  
鬚經秋似柳疎好學願為袁伯業同時頻失馬相如不才  
自分甘檮散何必他年賦遂初

偶題

無數名園鬪紫紅蜂採蝶採遍芳叢數株婀娜春風早瘦  
損東皇雨露中

塞上曲

四十九家部落聯塵沙千里接居延姑姑城外獵狝卒夜  
枕骷髏雪上眠

陳眉公秘笈載世廟降御札詢徐文貞公以房中導  
引之術公詭辭以對雖一時權譎殊失方正大臣  
之體然猶不忘規諷之意因感其事而賦之

房中導引許長生詭對猶然諷聖明縱使急流堪把舵那  
能對景便忘情

孝陵二十六韻

前代開天主精靈尚赫焉滁陽遺緒大建業聖圖延親諡  
庚申帝頻書龍鳳年立孫明正統罷相攬君權火烈嫌嚴  
峻風淳益靜便規模真廣大氣象失腥羶島索皆封貢真  
遼盡幅幘府兵羅勁旅經義網羣賢國祚應過曆廷謀信  
萬全九州歡動地卅載馭賓天王氣還佳甚婁精定炯然



山陵鍾阜壯弓劍，鼎湖懸兆域。當陽位星辰，直斗躔六  
陰。宿衛列聖炳精虔，敢盜長陵土。誰穿原廟墻，百年陵谷  
改。一旦市朝遷，斤斧登荒隴。牛羊上墓田，表辭陳隧道。襖  
帖闕重泉，俎豆祠官肅。松楸聖主倦，無難屈尊貴。更覺  
感纏綿，親把椒漿奠。綢加禮數還，從官陪法駕。陵戶免糧  
錢，莫種冬青樹。休登金粟顛，白頭宮監泣。青史簡編傳盛  
德，儀當代深仁。邁古先腐儒，才盡後敘述。漫連篇。

答友

憶昔窮途托足難，故人挾我入長安。侯家鯖好裾難曳，幸  
舍魚無缺懶彈。樸學尚貪人問字，衰年頗喜日加餐。而今  
數載棲遲樂，話到春明興每闌。

寄漢荀

省試雖頻罷，高懷君我同。怪奇詩句裏，磊塊酒杯中有客。  
嘲癡叔從人，慰塞翁切劘。真得力外物，未能攻。

放歌

大言無當莫相疑，乘興偶然敘述之。子雲到底不曉事，坡  
老至今難入時。未知醒後何如醉，且喜狂來絕勝癡。得喪  
乘除俱外物，放歌聊一豁襟期。  
吳中習氣幾能蠲，自分迂疎已有年。老子妙于能用短，此  
生寧與我周旋。微張白眼誠何敢，強附青雲尚未便。投老  
幸嘗黃奶味，日從編簡對前賢。

投老



鬢髮星星歲屢更孔融過二似同庚輩行漸長驚衰老才  
筆縱橫畏後生已缺唾壺心尚壯頻推車僻歎無成登臨  
廣武休增慨不羨人間孺子名

同郢雪聲昭坐慈雲菴後小齋看山

平疇漠漠水漸漸客至能將塵俗砥檻外遙青幽境遠室  
中虛白道心恬陽山麓斷看雲合海湧峰低露增尖此處  
栖遲曾不厭一尊重訂復何嫌

葉子戲歌

宋時好作葉子戲今變其制存其名刻楮為葉形方幅蠟  
糊厥背光晶瑩其中門戶計凡四各以其族來爭衡復有  
渠魁論不賞朱別雙隻均崢嶸其數至多至萬萬一一皆

從空半生一屋散錢難帖妥纍纍刀布珠貫繩陰數無一  
陽無十此悉取之為法程不惟大得饒乏義亦且天道多  
忌盈中原博徒強解事立有鬪格殊嚴明四人分曹技相  
角生殺互用如將兵雖有強弱無衆寡吾寧鬪智非力爭  
餘者亦如過揲策無用忽作有用呈譬之支辰相對待義  
取衝合為有情須臾角罷勝負決六國削弱秦兼并僖父  
濫觴作鬪虎紙幅縮小形模獰三代制作厭繁重叔孫之  
禮差易行混江小變意狡獪篇什重複嫌紛更遊和再變  
吁可怪人取我棄持擇精手中已自諧七八合尖功德渾  
難輕高才捷足忽先得辛苦銓次皆無成此戲近時煽成  
俗寢食俱廢交營營吾聞有明神廟季葉子盛行諸公卿



坐令水泊衆盜賊賓筵遊戲為亂萌呼闖喝獻後皆驗萬  
曆兆乃在崇禎吾皇御宇卅餘載四海無事歌昇平胡  
為其風轉相效厥妖非小心怵怵不然有司厲法禁毋使  
失業廢讀耕况復縉紳癖好此牧豬奴戲呼諸僮殷鑒不  
遠在夏后狂言亦自聲鏗訇定須褫奪塞其咎阜安世世  
流宗祊

可師楊兄兩尊人長流寧古塔卅餘載今丁外艱萬  
里扶櫬奉母南還寄贈一首

建州五月雪霏霏喜與悲俱淚暗揮絕塞魂無嗟久客故  
園生恨不同歸未親含殮心仍痛晚奉晨昏願尚違却憶  
吾宗行戍返絕裾重出似君稀

佳城二首

人門推競爽昔日羨飛鳴兄或云難弟公疑更勝卿吾哀  
國老殞世憎善人生共道此邦彥羣為執紼行

謝公時望在卹典格難行幾欲成玄塚還疑缺賜塋幽宮  
無秘器實錄有佳銘勲德睢州播今猶未易名

寄武曹荆山

執簡軒渠詫此晨欲加別白尚逡巡醉人嚶語真難了醒  
客旁觀雅自親今日豈無天下馬古來能幾九方歎只宜  
潦倒風塵內或有人誇席上珍

清河族弟醴泉德源千里睽隔每於省試一晤而已  
今年德源復試京兆悵然有作



清河兩令弟相見只秋闈鯤翼應俱化  
鵠原復各飛南圖謀定勝西笑計寧非莫似阿兄拙  
年年鍛羽歸

余於己已為李聲昭延至家塾顧郢雪潘殿

士毛洵芳負笈從遊明年將遷館於郡西王氏留  
別一首

談經覓句塾齋前負笈從師有數賢一室也分牀上下五  
年誰識味中邊頻窺前輩詞源富敢倚先生腹笥便別去  
情懷休惻惻董生帷下郡西偏

送子師之官昌化

行李蕭條只數肩那堪瘴雨復蠻烟惠州已似行天上春  
夢真宜醒海邊令子晨昏輕萬里老親音信動經年先君

舊治剛鄰並風景依稀倍愴然

靜坐家塾因成一詩

柴門剝啄少人過兀坐依然勝事多豈有讀書妨作樂每  
于對酒起高歌文能作祟休如虎書未成家不換鴛只此  
清幽堪永日任他蠻觸看如何





海



卷之三